

Barcode - 4990010202515

Title - Shantiniketan vol. 1

Subject - LITERATURE

Author - Tagore, Rabindranath

Language - bengali

Pages - 93

Publication Year - 1908

Creator - Fast DLI Downloader

<https://github.com/cancerian0684/dli-downloader>

Barcode EAN.UCC-13



4 990010 202515

শান্তিনিকেতন

(প্রথম)

শ্রী বীন্দ্রনাথ ঠাকুর

ব্রহ্মচর্যাশ্রম

বোলপুর

মূল্য ১০ আনা

প্রকাশক—

ইণ্ডিয়ান পাব্লিশিং হাউস্
কার্যালয়—৭৩।১, স্কিকিয়া ষ্ট্রীট,
শাখা দোকান—২০।১ কর্ণওয়ালিস্ ষ্ট্রীট,
কলিকাতা ।

কান্তিক প্রেস

২০, কর্ণওয়ালিস্ ষ্ট্রীট কলিকাতা

শ্রীহরিচরণ মাস্তা দ্বারা মুদ্রিত ।

সূচী

উত্তীর্ণত জাগ্রত	...	১
সংশয়	...	৪
অভাব	...	১৪
আত্মার দৃষ্টি	...	১৮
পাপ	...	২৫
হঃখ	...	৩১
ত্যাগ	...	৩৭
ত্যাগের ফল	...	৪৫
প্রেম	...	৫১
সামঞ্জস্য	...	৫৯
কি চাই	...	৭২
প্রার্থনা	...	৭৯

শান্তিনিকেতন



উত্তীর্ণত জাগ্রত

উত্তীর্ণত, জাগ্রত! সকাল বেলায় ত
ঈশ্বরের আলো আপনি এসে আমাদের
ঘুম ভাঙিয়ে দেয়—সমস্ত রাত্রির গভীর নিদ্রা
একমুহূর্তেই ভেঙে যায়। কিন্তু সন্ধ্যাবেলাকার
মোহ কে ভাঙাবে! সমস্ত দীর্ঘদিনের চিন্তা
ও কর্ম হতে উৎক্লিষ্ট একটা কুহকের আবেষ্টন,
তার থেকে চিত্তকে নির্মল উদার শান্তির
মধ্যে বাহির করে আনবে কি করে? সমস্ত
দিনটা একটা মাকড়সার মত জালের উপর
জাল বিস্তার করে আমাদের নানান্দিক থেকে

শান্তিনিকেতন

জড়িয়ে রয়েছে—চিরন্তনকে, ভূমাকে একেবারে
আড়াল করে রয়েছে—এই সমস্ত জালকে
কাটিয়ে চেতনাকে অনন্তের মধ্যে জাগ্রত
করে তুলব কি করে! ওরে, “উত্তীর্ণত!
জাগ্রত!”

দিন যখন নানা কর্ম নানা চিন্তা নানা
প্রবৃত্তির ভিতর দিয়ে একটি একটি পাক আমা-
দের চারদিকে জড়াতে থাকে, বিশ্ব এবং
আমার আত্মার মাঝখানে একটা আবরণ
গড়ে তুলতে থাকে, সেই সময়েই যদি মাঝে
মাঝে আমাদের চেতনাকে সতর্ক করতে না
থাকি—“উত্তীর্ণত, জাগ্রত,” এই জাগরণের মন্ত্র
যদি ক্ষণে ক্ষণে দিনের সমস্ত বিচিত্রব্যাপারের
মাঝখানেই আমাদের অন্তরাত্মা থেকে ধ্বনিত
হয়ে না উঠতে থাকে তাহলে পাকের পর
পাক পড়ে ফাঁসের পর ফাঁস লেগে শেষ কালে
আমাদের অসাড় করে ফেলে; তখন আবল্য
থেকে নিজেকে টেনে বের করতে আমাদের

উত্তিষ্ঠত জাগ্রত

আর ইচ্ছাও থাকে না, নিজের চারিদিকের
বেষ্টনকেই অত্যন্ত সত্য বলে জানি—
তার অতীত যে উন্মুক্ত বিশুদ্ধ শাস্ত্র সত্য
তার প্রতি আমাদের বিশ্বাসই থাকে না,
এমন কি তার প্রতি সংশয় অনুভব করবারও
সচেষ্টতা আমাদের চলে যায়। অতএব সমস্ত
দিন যখন নানা ব্যাপারের কলধ্বনি, তখন
মনের গভীরতার মধ্যে একটি একতারা
যন্ত্রে যেন বাজতে থাকে ওরে—“উত্তিষ্ঠত,
জাগ্রত !”

১৭ই অগ্রহায়ণ ১৩১৫

সংশয়

সংশয়ের যে বেদনা সেও যে ভাল।
কিন্তু যে প্রকাণ্ড জড়তার কুণ্ডলীর পাকে
সংশয়কেও আবৃত করে থাকে—তার হাত
থেকে যেন মুক্তিলাভ করি। নিজের
অজ্ঞতাসম্বন্ধে অজ্ঞানতার মত অজ্ঞান আর ত
কিছু নেই। ঈশ্বরকে যে জানিনে, তাঁকে
যে পাইনি এইটে যখন অনুভবমাত্র না করি
তখনকার যে আত্মবিশ্বৃত নিশ্চিত্ততা সেইটে
থেকে উত্তীর্ণত—জাগ্রত! সেই অসাড়তাকে
বিচলিত করে গভীরতর বেদনা জেগে উঠুক!
আমি বুঝিচিনে আমি পাচ্চিনে আমাদের
অন্তরতম প্রকৃতি এই বলে যেন কেঁদে
উঠতে পারে। মনের সমস্ত তারে এই গান
বেজে উঠুক “সংশয় তিমির মাঝে না হেরি
গতি হে।”

সংশয়

আমরা মনে করি যে ব্যক্তি নাস্তিক সেই সংশয়ী কিন্তু আমরা যেহেতু ঈশ্বরকে স্বীকার করি অতএব আমরা আর সংশয়ী নই। বাস্, এই বলে আমরা নিশ্চিত হয়ে বসে আছি—এবং ঈশ্বর সম্বন্ধে যাদের সঙ্গে আমাদের মতে না মেলে তাদেরই আমরা পাষণ্ড বলি, নাস্তিক বলি, সংশয়ীত্বা বলি। এই নিয়ে সংসারে কত দলাদলি, কত বিবাদ বিরোধ, কত শাসন পীড়ন তার আর অন্ত নাই। আমাদের দল এবং আমাদের দলের বাহির এই দুইভাগে মানুষকে বিভক্ত করে আমরা ঈশ্বরের অধিকারকে নিজের দলের বিশেষ সম্পত্তি বলে গণ্য করে আরামে বসে আছি। এসম্বন্ধে কোনো চিন্তা নেই সন্দেহ নেই।

এই বলে' কেবল কথাটুকুর মধ্যে ঈশ্বরকে স্বীকার করে আমরা সমস্ত সংসার থেকে তাঁকে নির্দ্বাণিত করে দেখ্চি। আমরা এমন ভাবে

শান্তিনিকেতন

গৃহে এবং সমাজে বাস করচি যেন সে গৃহে
সে সমাজে ঈশ্বর নেই। আমরা জন্ম থেকে
মৃত্যু পর্য্যন্ত এই বিশ্বজগতের ভিতর দিয়ে
এমন ভাবে চলে যাই যেন এ জগতে সেই
বিশ্বভুবনেশ্বরের কোনো স্থান নেই। আমরা
সকাল বেলায় আশ্চর্য্য আলোকের অভ্যুদয়ের
মধ্যে জাগ্রত হয়ে সেই অদ্ভুত আবির্ভাবের
মধ্যে তাঁকে দেখতে পাইনে এবং রাত্তিকালে
বধন অনিমেঘজাগ্রত নিঃশব্দ জ্যোতিষ্কলোকের
মাঝখানে আমরা নিদ্রার গভীরতার মধ্যে
প্রবেশ করতে যাই তখন এই আশ্চর্য্য
শয়নাগারের বিপুলমহিমাশিত অন্ধকার শয্যা-
তলের কোনো এক প্রান্তেও সেই বিশ্বজননীর
নিস্তরুগস্তীর শিখুমূর্ত্তি অনুভব করিনে। এই
অনির্বচনীয় অদ্ভুত জগৎকে আমরা নিজের
জমিজমা ঘর বাড়ির মধ্যেই সঙ্কীর্ণ করে
দেখতে সঙ্কোচমাত্র বোধ করিনে। আমরা
যেন ঈশ্বরের জগতে জন্মাইনি—নিজের

ঘরেই জন্মেছি—এখানে আমি আমি আমি
ছাড়া আর কোনো কথাই নেই—তবু আমরা
বলি আমরা ঈশ্বরকে মানি, তাঁর সম্বন্ধে
আমার মধ্যে কোনো সংশয় নেই।

আমার গৃহের মধ্যে সংসারের মধ্যে আমরা
কোনো দিন এমন করে চলি যেতে প্রকাশ
পায় যে এই গৃহের গৃহদেবতা তিনি, এই সংসার-
রথকে চালিয়ে নিয়ে যাচ্ছেন সেই মহাসারথী।
আমিই ঘরের কর্তা, আমিই সংসারের সংসারী।
ভোরের বেলা ঘুম ভাংবামাত্রই সেই চিন্তাই
সুরু হয় এবং রাত্রে ঘুম এসে সেই চিন্তাকেই
কণকালের জন্য আবৃত করে। “আমির”
ঘারাই এই গৃহ এই সংসার ঠাসা রয়েছে—
কত দলিল, কত দস্তাবেজ, কত বিলি ব্যবস্থা,
কত বাদবিসম্বাদ! কিন্তু ঈশ্বর কোথায়!
কেবল মুখের কথায়! আর কোথাও যে
তিলধারণের স্থান নেই।

এই মুখের কথায় ঈশ্বরকে স্বীকার

শান্তিনিকেতন

করার মত নিজেকে ফাঁকি দেবার আর
কি কিছু আছে! আমি এই সম্প্রদায়ভুক্ত,
আমাদের এই মত, আমি এই কথা বলি—
ঈশ্বরকে এইটুকুমাত্র ফাঁকির জায়গা ছেড়ে-
দিয়ে তার পরে বাকি সমস্ত জায়গাটা
অসকোচে নিজে জুড়ে বসবার যে স্পর্শ,
সেই স্পর্শ আপনাকে আপনি জানেনা বলেই
এত ভয়ানক। এই স্পর্শ সংশয়ের সমস্ত
বেদনাকে নিঃসাড় করে রাখে। আমরা যে
জানিনে এটাও জানতে দেয় না।

সংশয়ের বেদনা তখনি জেগে ওঠে যখন
গোপনভাবে ঈশ্বর আমাদের চৈতন্যের
একটা দিকে স্পর্শ করেন। তখন সংসারের
মধ্যে থেকেও সংসার আমাদের কান্না থামাতে
পারে না। এবং তাঁর দিকে ছুঁবাছ প্রসারিত
করেও অন্ধকারে তাঁর লাগাল পাইনে।
তখন এইটে জানা আরম্ভ হয় যে, যা
পেয়েছি তাতে কোনোমতেই আমার চলবে

না এবং যা না হলে আমার চলা অসম্ভব তা আমি কিছুতেই পাচ্চিনে। এমন অসহ্য কষ্টের অবস্থা আর কিছুই নেই।

যখন প্রসবের সময় আসন্ন তখন গর্ভের শিশুকে একদিকে নাড়ি সম্পূর্ণ ছাড়তে না অত্রদিকে ভূমিষ্ঠ হবার বেগ তাকে আকর্ষণ করচে। মুক্তির সঙ্গে বন্ধনের টানাটানির তখনো কোনো মীমাংসা হয়নি। এই সময়ের বেদনাই জন্মদানের পূর্বসূচনা, এই বেদনার অভাবকেই চিকিৎসক ভয় করেন।

যথার্থ সংশয়ের বেদনাও আত্মাকে সত্যের মধ্যে মুক্তিদানের বেদনা। সংসার একদিকে তাকে আপনার মধ্যে আবৃত আচ্ছন্ন করে রেখেছে বিমুক্ত সত্য অত্রদিকে তার অলক্ষ্যে তাকে আহ্বান করচে—সে অন্ধকারের মধ্যেই আছে অথচ আলোককে না জেনেই সে আলোকের আকর্ষণ অনুভব করচে। সে মনে করচে বুঝি তার এই ব্যাকুলতার কোনো

শান্তিনিকেতন

পরিণাম নেই, কেননা সে ত সম্মুখে পরিণামকে দেখতে পাচ্ছে না, সে গর্ভস্থ শিশুর মত নিজের আবরণকেই চারদিকে অনুভব করচে ।

আসুক সেই অসহ্য বেদনা—সমস্ত প্রকৃতি কাঁদতে থাক—সে কান্নার অবসান হবে । কিন্তু যে কান্না বেদনায় জেগে ওঠে নি, ফুটে ওঠেনি, জড়তার শত বেষ্টনের মধ্যে প্রচ্ছন্ন হয়ে আছে—তার যে কোনো পরিণাম নেই । সে যে রক্তমাংসে অস্থিমজ্জার জড়িয়ে রয়েছে গেল—তার তার যে চক্ৰিশযণ্টা নাড়ীতে নাড়ীতে বহন করে বেড়াতে হবে ।

যে দিন সংশয়ের ক্রন্দন আমাদের মধ্যে সত্য হয়ে ওঠে, সেদিন আমরা সম্প্রদায়ের মত, দর্শনের তর্ক ও শাস্ত্রের বাক্য নিয়ে আরাম পাইনে ; সেদিন আমরা একমুহূর্তেই বুঝতে পারি প্রেম ছাড়া আমাদের আর কোনো উপায় নেই—সেদিন আমাদের প্রার্থনা

এই হয় যে, “প্রেম-আলোকে প্রকাশে
অগণ্য হে!”

জ্ঞানের প্রকাশে আমাদের সংশয়ের সমস্ত
অন্ধকার দূর হয় না। আমরা জেনেও জানিনে
কখন? যখন আমাদের মধ্যে প্রেমের প্রকাশ
হয় না। একবার ভেবে দেখনা এই পৃথিবীতে
কত শত সহস্র লোক আমাকে বেঁটন করে
আছে। তাদের যে জানিনে তা নয়, কিন্তু
তারা আমার পক্ষে কিছুই নয়। সংসারে
আমি এমন ভাবে চলি যেন এই অগণ্য
লোক তাদের সুখদুঃখ নিয়ে নেই। তবে
কারা আছে? যারা আমার আত্মীয় স্বজন,
আমার প্রিয়বন্ধু, তারাই অগণ্য জীবকে
ছাড়িয়ে আছে। এই কয়েকটি লোকই
আমার সংসার। কেন না এদেরই
আমি প্রেমের আলোতে দেখেছি। এদেরই
আমি কমবেশি পরিমাণে আমার আত্মারই
সমান করে দেখেছি। আমার আত্মা যে সত্য,

শান্তিনিকেতন

আত্মপ্রেমে সেটা আমার কাছে একান্ত স্পষ্ট হয়ে উঠেছে—সেই প্রেম যাদের মধ্যে প্রসারিত হতে পেরেছে তাদেরই আমি আত্মীয় বলে জানি—তাই তাদের সম্বন্ধে আমার কোনো সংশয় নেই, তারা আমার পক্ষে অনেকটা আমারই মত সত্য।

ঈশ্বর যে আছেন এবং সর্বত্রই আছেন এ কথাটা যে আমার জ্ঞানার অভাব আছে তা নয় কিন্তু আমি অহরহ সম্পূর্ণ এমন ভাবেই চলি যেন তিনি কোনোখানেই নেই। এর কারণ কি? তাঁর প্রতি আমার প্রেম জন্মে নি, সুতরাং তিনি থাকলেই বা কি না থাকলেই বা কি? তাঁর চেয়ে আমার নিজের ঘরের অতি তুচ্ছ বস্তুও আমার কাছে বেশি করে আছে। প্রেম নেই বলেই তাঁর দিকে আমাদের সমস্ত চোখ চায় না, আমাদের সমস্ত কান যায় না, আমাদের সমস্ত মন খোলে না। এই জন্মেই যিনি সকলের চেয়ে আছেন

তাঁকেই সকলের চেয়ে পাইনে—তাই এমন একটা অভাব জীবনে থেকে যায় যা আর কিছুতেই কোনোমতেই পোরাতে পারে না। ঈশ্বর থেকেও থাকেন না—এত বড় প্রকাশ না থাকা আমাদের পক্ষে আর কি আছে! এই না থাকার ভারে আমরা প্রতিমুহূর্তেই মরচি। এই না থাকার মানে আর কিছুই না, আমাদের প্রেমের অভাব। এই না থাকারই শুষ্কতায় জগতের সমস্ত লাবণ্য মারা গেল, জীবনের সমস্ত সৌন্দর্য্য নষ্ট হল। যিনি আছেন তিনি নেই এত বড় ক্ষতি কি দিয়ে পূরণ হবে! কিছুতেই কিছু হচ্ছে না। দিনে রাতে এই জগেই যে গেলুম। সব জানি সব বুঝি, কিন্তু সমস্তই ব্যর্থ—

প্রেম-আলোকে প্রকাশো জগপতি হে!

২৩শে অগ্রহায়ণ ১৩১৫

অভাব

ঈশ্বরকে যে আমরা দিন রাত্রি বাদ দিয়ে চলচি তাতে আমাদের সাংসারিক ক্ষতি যদি শিকি পরসাও হত তাহলে তখনি সতর্ক হয়ে উঠতুম। কিন্তু সে বিপদ নেই; সূর্য্য আমাদের আলো দিচ্ছে পৃথিবী আমাদের অন্ন দিচ্ছে, বৃহৎ লোকালয় তার সহস্র নাড়ী দিয়ে আমাদের সহস্র অভাব পূরণ করে চলেচে। তবে সংসারকে ঈশ্বরবর্জিত করে আমাদের কি অভাব হচে! হায়, যে অভাব হচে তা যতক্ষণ না জানতে পারি ততক্ষণ আরাধে নিঃসংশয়ে থাকি এবং সচ্ছল সংসারের মধ্যে বাস করে' মনে করি আমরা ঈশ্বরের বিশেষ অনুগ্রহীত ব্যক্তি।

কিন্তু ক্ষতিটা কি হয় তা কেমন করে বোঝানো যেতে পারে ?

অভাব

এইখানে দৃষ্টান্তস্বরূপে আমার একটি স্বপ্নের কথা বলি। আমি নিতান্ত বালক কালে মাতৃহীন। আমার বড় বয়সের জীবনে মার অধিষ্ঠান ছিল না। কাল রাত্রে স্বপ্ন দেখলুম আমি যেন বাল্যকালেই রয়ে গেছি। গঙ্গার ধারের বাগানবাড়িতে মা একটি ঘরে বসে রয়েছেন। মা আছেন ত আছেন—তঁার আবির্ভাব ত সকল সময়ে চেতনাকে অধিকার করে থাকে না। আমিও মাতার প্রতি মন না দিয়ে তঁার ঘরের পাশ দিয়ে চলে গেলুম। বারান্দায় গিয়ে একমুহূর্তে আমার হঠাৎ কি হল জানিনে—আমার মনে এই কথাটা জেগে উঠল যে মা আছেন। তখনি তঁার ঘরে গিয়ে তঁার পায়ের ধূলো নিয়ে তঁাকে প্রণাম করলুম। তিনি আমার হাত ধরে আমাকে বলেন “তুমি এসেচ ?”

এইখানেই স্বপ্ন ভেঙে গেল। আমি ভাবতে লাগলুম—মায়ের বাড়িতেই বাস

শান্তিনিকেতন

করচি, তাঁর ঘরের ছয়ার দিয়েই দশবার করে আনাগোনা করি—তিনি আছেন এটা জানি সন্দেহ নেই কিন্তু যেন নেই এমনি ভাবেই সংসার চল্চে। তাতে ক্ষতিটা কি হচ্ছে! তাঁর ভাঁড়ারের দ্বার তিনি বন্ধ করেন নি, তাঁর অন্ন তিনি পরিবেষণ করছেন, যখন ঘুমিয়ে থাকি তখনো তাঁর পাখা আমাকে বীজন করচে। কেবল ঐটুকু হচ্ছে না, তিনি আমার হাতটি ধরে বলছেন না, তুমি এসেচ! অন্ন জল ধন জন সমস্তই আছে কিন্তু সেই স্বরটি সেই স্পর্শটি কোথায়! মন যখন সম্পূর্ণ জেগে উঠে সেইটিকেই চায় এবং চেয়ে যখন না পায়, কেবল উপকরণভরা ঘরে ঘরে খুঁজে বেড়ায় তখন অন্নজল তার আর কিছুতেই রোচে না।

একবার ভাল করে ভেবে দেখ, জগতে কোনো জিনিষের কাছে কোনো মানুষের কাছে যাওয়া আমাদের জীবনে অল্পই ঘটে। পরম আত্মীয়ের নিকট দিয়েও আমরা প্রত্যহ

অভাব

আনাগোনা করি বটে কিন্তু দৈবাৎ একমুহূর্ত্ত
তার কাছে গিয়ে পৌঁছই। কত দিন তার
সঙ্গে নিভূতে কথা কয়েছি এবং সকাল সন্ধ্যার
আলোকে একসঙ্গে বেড়িয়েছি কিন্তু এর মধ্যে
হয় ত সকলের চেয়ে কেবল একদিনের কথা
মনে পড়ে যেদিন হৃদয় পরিপূর্ণ হয়ে উঠে মনে
হয়েছে আমি তার কাছে এসেছি। এমন
শত সহস্র লোক আছে যারা সমস্ত জীবনে
একবারও কোনো জিনিষের কোনো মানুষের
কাছে আসে নি। জগতে জন্মেছে কিন্তু
জগতের সঙ্গে তাদের অব্যবহিত সংস্পর্শ
ঘটে নি। ঘটে নি যে, এও তারা একেবারেই
জানে না। তারা যে সকলের সঙ্গে হাসচে
খেলচে গল্পগুজব করচে, নানা লোকের সঙ্গে
দেনা পাওনা আনাগোনা চলচে তারা ভাবচে
এই ত আমি সকলের সঙ্গে আছি। এইরূপ
সঙ্গে থাকার মধ্যে সঙ্গটা যে কতই যৎসামান্য
সে তার বোধের অতীত।

আত্মার দৃষ্টি

বালাকালে আমার দৃষ্টিশক্তি ক্ষীণ হয়ে গিয়েছিল কিন্তু আমি তা জানতুম না। আমি তাবতুম দেখা বুঝি এই রকমই—সকলে বুঝি এই পরিমাণেই দেখে। একদিন দৈবাৎ লীলাচ্ছলে আমার কোন সঙ্গীর চষমা নিয়ে চোখে পরেই দেখি, সব জিনিষ স্পষ্ট দেখা যাচ্ছে। তখন মনে হল আমি যেন হঠাৎ সকলের কাছে এসে পড়েছি, সমস্তকে এই যে স্পষ্ট দেখা ও কাছে পাওয়ার আনন্দ, এর দ্বারা বিশ্বভুবনকে যেন হঠাৎ দ্বিগুণ করে লাভ করলাম—অথচ এতদিন যে আমি এত লোকসান বহন করে বেড়াচ্ছি তা জানতুমই না।

এ যেমন চোখ দিয়ে কাছে আসা, তেমনি আত্মা দিয়ে কাছে আসা আছে। সেই রকম করে যারই কাছে আসি সেই আমার হাত

আত্মীয় দৃষ্টি

তুলে ধরে বলে তুমি এসেচ ! এই যে জল বায়ু
চন্দ্র সূর্য্য, আমাদের পরমবন্ধু, এরা আমাদের
নানা কাজ করচে, কিন্তু আমাদের হাত ধরচে
না, আনন্দিত হয়ে বলচে না, তুমি এসেছ !
যদি তাদের তেমনি কাছে যেতে পারতুম, যদি
তাদের সেই স্পর্শ সেই সম্ভাষণ লাভ করতুম
তাহলে মুহূর্তের মধ্যে বুঝতে পারতুম তাদের
কৃত সমস্ত উপকারের চেয়ে এইটুকু কত বড় ।
মানুষের মধ্যে আমি চিরজীবন বাস করলুম
কিন্তু মানুষ আমাকে স্পর্শ করে বলচে না,
তুমি এসেচ ! আমি একটা আবরণের মধ্যে
আবৃত হয়ে পৃথিবীতে সঞ্চরণ করচি । ডিমের
মধ্যে পক্ষীশিশু যেমন পৃথিবীতে জন্মেও
জন্মলাভ করে না এও সেই রকম ।

এই অক্ষুট চেতনার ডিমের ভিতর
থেকে জন্মলাভই আধ্যাত্মিক জন্ম । সেই
জন্মের দ্বারাই আমরা দ্বিজ হব । সেই
জন্মই জগতে ষথার্থরূপে জন্ম—জীবচেতনের

শান্তিনিকেতন

বিশ্বচেতনের মধ্যে জন্ম। তখনি পক্ষীশিশু
পক্ষীমাতার পক্ষপুটের সম্পূর্ণ সংস্পর্শ লাভ
করে—তখনি মানুষ সর্বত্রই সেই সর্বকে
প্রাপ্ত হয়। সেই প্রাপ্ত হওয়া যে কি
আশ্চর্য্য সার্থকতা কি অনির্বচনীয় আনন্দ তা
আমরা জানিনে কিন্তু জীবনে কি ক্ষণে ক্ষণে
তার আভাসমাত্রও পাইনে !

আধ্যাত্মিকতার আমাদের আর কিছু
দেয় না আমাদের উদাসীনতা আমাদের অসাড়তা
ঘুচিয়ে দেয়। অর্থাৎ তখনি আমরা চেতনার
দ্বারা চেতনাকে, আত্মার দ্বারা আত্মাকে পাই।
সেই রকম করে যখন পাই তখন আর
আমাদের বুঝতে বাকি থাকে না যে সমস্তই
তাঁর আনন্দরূপ।

তৃণ থেকে মানুষ পর্য্যন্ত জগতে যেখানেই
আমার চিত্ত উদাসীন থাকে সেখানেই
আমাদের আধ্যাত্মিকতা সীমাবদ্ধ হয়েছে
এটি জানতে হবে। আমাদের চেতনা আমাদের

আত্মার দৃষ্টি

আত্মা যখন সর্বত্র প্রসারিত হয় তখন জগতের সমস্ত সত্তাকে আমাদের সত্তার দ্বারাই অনুভব করি, ইন্দ্রিয়ের দ্বারা নয়, বুদ্ধির দ্বারা নয়, বৈজ্ঞানিক যুক্তি দ্বারা নয়। সেই পরিপূর্ণ অনুভূতি একটি আশ্চর্য্য ব্যাপার। এই সমুখের গাছটিকেও যদি সেই সত্তারূপে গভীররূপে অনুভব করি তবে যে আমার সমস্ত সত্তা আনন্দে পরিপূর্ণ হয়ে ওঠে। তাই দেখিলে বলে একে চোখ দিয়ে দেখবামাত্র এতে আমার কোন প্রয়োজন নেই বলে এর সমুখ দিয়ে চলে যাই, এই গাছের সত্যে আমার সত্যকে জাগিয়ে তুলে আমাকে আনন্দের অধিকারী করে না। মানুষকেও আমরা আত্মা দিয়ে দেখিলে—ইন্দ্রিয় দিয়ে যুক্তি দিয়ে স্বার্থ দিয়ে সংসার দিয়ে সংস্কার দিয়ে দেখি—তাকে পরিবারের মানুষ, বা প্রয়োজনের মানুষ, বা নিঃসম্পর্ক মানুষ বা কোনো একটা বিশেষ শ্রেণীভুক্ত মানুষ বলেই দেখি—

শান্তিনিকেতন

সুতরাং সেই সীমাতেই গিয়ে আমার পরিচয়
ঠেকে যায়—সেই খানেই দরজা বন্ধ—তার
ভিতরে আর প্রবেশ করতে পারিনে—তাকেও
আত্মা বলে আমার আত্মা প্রত্যক্ষ ভাবে
সম্ভাষণ করতে পারে না। যদি পারত তবে
পরস্পর হাত ধরে বলত তুমি এসেচ !

আধ্যাত্মিক সাধনার যে চরম লক্ষ্য কি তা
উপনিষদে স্পষ্ট লেখা আছে—“তে সৰ্বগং
সৰ্বতঃ প্রাপ্য ধীরা যুক্তাত্মানং সৰ্ব-
মেনাবিশন্তি”—ধীর ব্যক্তির। সৰ্বব্যাপীকে
সকল দিক থেকে পেয়ে যুক্তাত্মা হয়ে সৰ্বত্রই
প্রবেশ করেন। এই যে সৰ্বত্র প্রবেশ করবার
ক্ষমতাই শেষ ক্ষমতা। প্রবেশ করার মানেই
হচ্ছে যুক্তাত্মা হওয়া। যখন সমস্ত পাপের সমস্ত
অভ্যাসের সংস্কারের আবরণ থেকে মুক্ত হয়ে
আমাদের আত্মা সৰ্বত্রই আত্মার সঙ্গে যুক্ত
হয় তখনি সে সৰ্বত্র প্রবেশ করে—সেই
আত্মার গিরে পৌঁছলে সে ঘারে এসে

আত্মার দৃষ্টি

ঠেকে—সে মৃত্যুতেই আবদ্ধ হয়, অমৃতং
ষষ্টিভাতি, অমৃতরূপে যিনি সকলের মধ্যেই
প্রকাশমান সেই অমৃতের মধ্যে আত্মা
পৌছতে পারে না—সে আর সমস্তই দেখে
কেবল আনন্দরূপমমৃতং দেখে না।

এই যে আত্মা দিয়ে বিশ্বের সর্বত্র আত্মার
মধ্যে প্রবেশ করা এই ত আমাদের সাধনার
লক্ষ্য। প্রতিদিন এই পথেই যে আমরা
চলছি এটা ত আমাদের উপলক্ষি করতে হবে।
অন্ধভাবে জড়ভাবে ত এটা হবে না। চেতন
ভাবেই ত চেতনার বিস্তার হতে থাকবে।
প্রতিদিন ত আমাদের বুঝতে হবে একটু
একটু করে আমাদের প্রবেশ পথ খুলে
যাচ্ছে আমাদের অধিকার ব্যাপ্ত হচ্ছে।
সকলের সঙ্গে বেশি করে মিলতে পাচ্ছি,
অগ্নে অগ্নে সমস্ত বিরোধ কেটে যাচ্ছে—
মানুষের সঙ্গে মিলনের মধ্যে, সংসারের কর্মের
মধ্যে, ভূমার প্রকাশ প্রতিদিন অব্যাহত

শান্তিনিকেতন

হয়ে আস্চে । আমিও বলে যে সুদূর্ভেদ্য
আবরণ আমাকে সকলের সঙ্গে অত্যন্ত বিভক্ত
করে রেখেছিল তা ধীরে ধীরে ক্ষীণ হয়ে
আস্চে, ক্রমেই তা স্বচ্ছ হয়ে তার ভিতর
থেকে নিখিলের আলো ক্রমে ক্রমে স্ফুটতর
হয়ে দেখা যাচে—আমি আমার দ্বারা কাউকে
আচ্ছন্ন কাউকে বিকৃত করচিনে, আমার
মধ্যে অন্তের এবং অন্তের মধ্যে আমার বাধা
প্রত্যহই কেটে যাচে ।

পাপ

এমনি করে আত্মা যখন আত্মাকে চায় আর কিছুতেই তাকে ধামিয়ে রাখতে পারে না তখন পাপ জিনিষটা কি তা আমরা স্পষ্ট বুঝতে পারি। আমাদের চৈতন্য যখন বরফগলা ঝরণার মত ছুটে বেরতে চায় তখন পাপের বাধাকে সে সম্পূর্ণরূপে উপলব্ধি করতে পারে—এক মুহূর্ত আর তাকে ভুলে থাকতে পারে না—তাকে ক্ষয় করবার জগ্রে তাকে সরিয়ে ফেলবার জগ্রে আমাদের পীড়িত চৈতন্য পাপের চারিদিকে ফেনিল হয়ে উঠতে থাকে। বস্তুত আমাদের চিত্ত যখন চলতে থাকে তখন সে তার গতির সংঘাতেই ছোট মুড়িটিকেও অনুভব করে, কিছুই তার আর অগোচর থাকে না।

তার পূর্বে পাপ পুণ্যকে আমরা সামাজিক

শান্তিনিকেতন

ভালমন্দ সুবিধা অসুবিধার জিনিষ বলেই জানি। চরিত্রকে এমন করে গড়ি যাতে লোকসমাজের উপযুক্ত হই, যাতে ভদ্রতার আদর্শ রক্ষা হয়। সেইটুকুতে কৃতকার্য হলেই আমাদের মনে আর কোন সন্দেহ থাকে না ; আমরা মনে করি চরিত্রনীতির যে উপযোগিতা তা আমার দ্বারা সিদ্ধ হল।

এমন সময় একদিন যখন আত্মা জেগে ওঠে, জগতের মধ্যে সে আত্মাকে খোঁজে তখন সে দেখতে পায় যে শুধু ভদ্রতার কাজ নয়, শুধু সমাজ রক্ষা করা নয়—প্রয়োজন আরো বড়, বাধা আরো গভীর। উপর থেকে কেটে কুটে রাস্তা সাফ করে দিয়েছি, সংসারের পথে কোনো বাধা দিচ্ছে না, কারো চোখে পড়চে না ; কিন্তু শিকড়গুলো সমস্তই ভিতরে রয়ে গেছে—তারা পরস্পরে ভিতরে ভিতরে জড়াজড়ি করে একেবারে জাল বুনে রেখেছে, আধ্যাত্মিক চাষ-আবাদে সেখানে পদে পদে

পাপ

ঠেকে যেতে হয়। অতি ক্ষুদ্র অতি সূক্ষ্ম শিকড়টিও জড়িয়ে ধরে, আবরণ রচনা করে। তখন পূর্বে যে পাপটি চোখে পড়েনি তাকেও দেখতে পাই এবং পাপ জিনিষটা আমাদের পরম সার্থকতার পথে যে কি রকম বাধা তাও বুঝতে পারি। তখন মানুষের দিকে না তাকিয়ে কোনো সামাজিক প্রয়োজনের দিকে না তাকিয়ে পাপকে কেবল পাপ বলেই সমস্ত অন্তঃকরণের সঙ্গে ঠেলা দিতে থাকি—তাকে সহ করা অসম্ভব হয়ে উঠে। সে যে চরম মিলনের, পরম প্রেমের পথ দলবল নিয়ে জুড়ে বসে আছে—তার সম্বন্ধে অণুকে বা নিজেকে ফাঁকি দেওয়া আর চলবে না—লোকের কাছে ভাল হয়ে আর কোন সুখ নেই—তখন সমস্ত অন্তঃকরণ দিয়ে সেই নির্মল স্বরূপকে বলতে হবে, বিশ্বানি দুর্জিতানি পরাসুব—সমস্ত পাপ দূর কর—একেবারে বিশ্বদূরিত—সমস্ত পাপ—একটুও বাকি থাকলে

শান্তিনিকেতন

চলবে না—কেননা তুমি শুদ্ধং অপাপবিদ্ধং,
আত্মা তোমাকেই চায়—সেই তার একমাত্র
যথার্থ চাওয়া, সেই তার শেষ চাওয়া।
হে সৰ্ব্বগ, তোমাকে, সৰ্ব্বতঃ প্রাপ্য, সকল
দিক থেকে পেয়ে যুক্তাত্মা হব, সকলের মধ্যেই
প্রবেশ লাভ করব সেই আশ্চর্য্য সৌভাগ্যের
ধারণাও এখন আমার মনে হয় না কিন্তু এই
অনুগ্রহটুকু করতে হবে, যে, তোমার পরিপূর্ণ
প্রকাশের অধিকারী নাই হই তবু আমার
রুদ্ধদ্বারের ছিদ্র দিয়ে তোমার সেইটুকু
আলোক আসুক যে আলোকে ঘরের আবদ্ধ
অন্ধকারকে আমি অন্ধকার বলে জানতে
পারি। রাত্রে দ্বার জানালা বন্ধ করে অচেতন
হয়ে ঘুমিয়ে ছিলাম। সকাল বেলায় দ্বারের
ফাঁক দিয়ে যখন আলো ঢুকল তখন জড়শয্যা
পড়ে থেকে হঠাৎ বাইরের সুনির্মল প্রভাতের
আবির্ভাব আমার তন্দ্রালস চিত্তকে আঘাত
করল। তখন তপ্তশয্যার তাপ অসহ্য বোধ হল,

তখন নিজের নিঃশ্বাস-কলুষিত বন্ধ ঘরের
 বাতাস আমার নিঃশ্বাস রোধ করতে
 লাগল ; তখন ত আর থাকতে পারা
 গেল না ; তখন উন্মুক্ত নিখিলের স্নিগ্ধতা
 নিশ্চলতা পবিত্রতা, সমস্ত সৌন্দর্য্য সৌগন্দ্য
 সঙ্গীতের আভাস আমাকে আহ্বান করে
 বাইরে নিয়ে এল । তুমি তেমনি করে আমার
 আবরণের কোনো ছই একটা ছিদ্রের ভিতর
 দিয়ে তোমার আলোকের দূতকে তোমার
 মুক্তির বার্তাবহকে প্রেরণ কর—তাহলেই
 নিজের আবদ্ধতার তাপ এবং কলুষ এবং
 অন্ধকার আমাকে আর সৃষ্টির হতে দেবেনা,
 আরামের শয্যা আমাকে দগ্ধ করতে থাকবে,
 তখন বলতেই হবে যেনাহং নামৃতঃ শ্যাম্
 কিমহং তেন কুর্যাম্ !

২৫শে অগ্রহায়ণ



दुःख

आमादेर उपासनार मन्त्रे आछे, नमः
सुखबायच मयोऽभायच—सुखकरके नमस्कार
करि, कल्याणकरके नमस्कार । किन्तु आमरा
सुखकरकेइ नमस्कार करि, कल्याणकरके
सब समये नमस्कार करते पारिने । कल्याण-
कर ये शुधु सुखकर न'न, तिनि ये दुःखकर ।
आमरा सुखकेइ तार दान बले जानि आर
दुःखके कोनो दुर्दैवकृत विद्वाना बलेइ
ज्ञान करि ।

एइ जन्ते दुःखतीरु वेदनाकातर आमरा
दुःख थेके निजेके बाँचावार जन्ते नाना
प्रकार आवरण रचना करि, आमरा केबलि
लुकिये থাকते चाइ । ताते कि हय ?
ताते सत्येर पूर्ण सम्पर्श थेके आमरा
बन्धित हई ।

ধনী বিলাসী সমস্ত আয়াস থেকে নিজেকে বাঁচিয়ে কেবল আরামের মধ্যে পরিবৃত হয়ে থাকে। তাতে কি হয়? তাতে সে নিজেকে পঙ্গু করে ফেলে; নিজের হাত-পায়ের উপর তার অধিকার থাকে না, যে সমস্ত শক্তি নিয়ে সে পৃথিবীতে জন্মেছিল সেগুলি কর্ম্ম অভাবে পরিণত হতে পারে না, মুষ্ড়ে যায়, বিগুড়ে যায়। স্বরচিত আবরণের মধ্যে সে একটি কৃত্রিম জগতে বাস করে। কৃত্রিম জগৎ আমাদের প্রকৃতিকে কখনই তার সমস্ত স্বাভাবিক খাণ্ড জোগাতে পারে না, এই জন্তে সে অবস্থায় আমাদের স্বভাব একটি ঘরগড়া পুতুলের মত হয়ে ওঠে, পূর্ণতালাভ করে না।

ছঃখের আঘাত থেকে আমাদের মনকে ভয়ে ভয়ে কেবলি বাঁচিয়ে রাখবার চেষ্টা করলে জগতে আমাদের অসম্পূর্ণভাবে বাস করা হয় সুতরাং তাতে কখনই আমাদের স্বাস্থ্যরক্ষা ও শক্তির পরিণতি হয় না।

শান্তিনিকেতন

পৃথিবীতে এসে যে ব্যক্তি ছুঃখ পেলে না সে লোক ঈশ্বরের কাছ থেকে তার সব পাওনা পেলে না—তার পাথের কম পড়ে গেল ।

যাদের স্বভাব অতিবেদনাশীল, আত্মীয় স্বজন বন্ধুবান্ধব সবাই তাদের বাঁচিয়ে চলে ;— সে ছোটক্কে বড় করে তোলে বলেই লোকে কেবলি বলে কাজ নেই—তার সম্বন্ধে লোকের কথাবার্তা ব্যবহার কিছুই স্বাভাবিক হয় না । সে, সব কথা শোনে না কিম্বা ঠিক কথা শোনে না—তার যা উপযুক্ত পাওনা তা সে সবটা পায় না কিম্বা ঠিক মত পায় না । এতে তার মঙ্গল হতেই পারে না । যে ব্যক্তি বন্ধুর কাছ থেকে কখনো আঘাত পায় না কেবলি প্রশ্রয় পায় সে হতভাগ্য বন্ধুদের পূর্ণ আশ্বাদ থেকে বঞ্চিত হয়—বন্ধুরা তার সম্বন্ধে পূর্ণরূপে বন্ধু হয়ে উঠতে পারে না ।

জগতে এই যে আমাদের ছুঃখের পাওনা এ যে সম্পূর্ণ জায়সঙ্গত হবেই তা নয় । যাকে

আমরা অন্তায় বলি অবিচার বলি তাও আমাদের গ্রহণ করতে হবে—অত্যন্ত সাবধানে সূক্ষ্মহিসাবের খাতা খুলে কেবলমাত্র গ্ৰাফটুকুর ভিতর দিয়েই নিজেকে মানুষ করে তোলা—সে ত হয়েও ওঠে না এবং হলেও তাতে আমাদের মঙ্গল হয় না। অন্তায় এবং অবিচারকেও আমরা উপযুক্ত ভাবে গ্রহণ করতে পারি এমন আমাদের সামর্থ্য থাকা চাই।

পৃথিবীতে আমাদের ভাগে যে সুখ পড়ে তাও কি একেবারে ঠিক হিসাবমত পড়ে, অনেক সময়েই কি আমরা গাঁঠের থেকে যা দাম দিয়েছি তার চেয়ে বেশি খরিদ করে ফেলিনে? কিন্তু কখনো ত মনে করিনে আমি তার অযোগ্য! সবটুকুইত দিব্য অসঙ্কোচে দখল করি! ছঃখের বেলাতেই কি কেবল গ্ৰায় অন্তায়ের হিসাব মেলাতে হবে? ঠিক হিসাব মিলিয়ে কোনো জিনিষ যে আমরা পাইনে।

শান্তিনিকেতন

তার একটি কারণ আছে। গ্রহণ এবং বর্জনের ভিতর দিয়েই আমাদের প্রাণের ক্রিয়া চলতে থাকে—কেন্দ্রানুগ এবং কেন্দ্রতিগ এই দুটো শক্তিই আমাদের পক্ষে সমান গৌরবের—আমাদের প্রাণের আমাদের বুদ্ধির আমাদের সৌন্দর্য্যবোধের আমাদের মঙ্গল প্রবৃত্তির, বস্তুত আমাদের সমস্ত শ্রেষ্ঠতার মূল ধর্ম্মই এই যে সে যে কেবলমাত্র নেবে তা নয় সে ত্যাগও করবে।

এই জন্মই আমাদের আহাৰ্য্য পদার্থে ঠিক হিসাবমত আমাদের প্রয়োজনের উপকরণ থাকে না তাতে যেমন খাওয়া অংশ আছে তেমনি অখাওয়া অংশও আছে। এই অখাওয়া অংশ শরীর পরিত্যাগ করে। যদি ঠিক ওজন মত নিছক খাওয়া পদার্থ আমরা গ্রহণ করি তাহলে আমাদের চলে না, শরীর ব্যাধিগ্রস্ত হয়। কারণ কেবল কি আমাদের পাকশক্তি ও পাকযন্ত্র আছে ?—আমাদের ত্যাগশক্তি ও ত্যাগযন্ত্র

আছে—সেই শক্তি সেই যত্নকেও আমাদের কাজ দিতে হবে, তবেই গ্রহণ বর্জনের সামঞ্জস্য প্রাণের পূর্ণতাসাধন ঘটবে।

সংসারে তেমনি আমরা যে কেবলমাত্র গ্ৰাযটুকু পাব, কেউ আমাদের প্রতি কোনো অবিচার করবে না এও বিধান নয়। সংসারে এই গ্ৰায়ের সঙ্গে অগ্ৰায় মিশ্রিত থাকে আমাদের চরিত্রের পক্ষে একান্ত আবশ্যিক। নিঃশ্বাস প্রশ্বাসের ক্রিয়ার মত আমাদের চরিত্রের এমন একটি সহজ ক্ষমতা থাকে চাই যাতে আমাদের যেটুকু প্রাপ্য সেটুকু অনায়াসে গ্রহণ করি এবং যেটুকু ত্যাজ্য সেটুকু বিনাকোভে ত্যাগ করতে পারি।

অতএব হুঃখ এবং আঘাত গ্ৰায হোক বা অগ্ৰায় হোক তার সংস্পর্শ থেকে নিজেকে নিঃশেষে বাঁচিয়ে চলবার অতিচেষ্টায় আমাদের মনুষ্যত্বকে দুর্বল ও ব্যাধিগ্রস্ত করে তোলে।

এই ভীরুতার শুধুমাত্র বিলাসিতার পেলবতা

শান্তিনিকেতন

ও দৌর্ভাগ্য জন্মে তা নয় যে সমস্ত অতিবেদনা-
শীল লোক আঘাতের ভয়ে নিজেকে আবৃত করে
তাদের শুচিতা নষ্ট হয়—আবরণের ভিতরে
ভিতরে তাদের অনেক মলিনতা জন্মে
থাকে ;—যতই লোকের ভয়ে তারা সেগুলো
লোকচক্ষুর সামনে বের করতে না চায় ততই
সেগুলো দূষিত হয়ে উঠে স্বাস্থ্যকে বিকৃত করতে
থাকে । পৃথিবীর নিন্দা অবিচার দুঃখকষ্টকে যারা
অনাধে অসঙ্কোচে গ্রহণ করতে পারে তারা
কেবল বলিষ্ঠ হয় তা নয় তারা নিশ্চল হয়,
অনাবৃত জীবনের উপর দিয়ে জগতের পূর্ণসংঘাত
লেগে তাদের কলুষ ক্ষয় হয়ে যেতে থাকে ।

অতএব সমস্ত মনপ্রাণ নিয়ে প্রস্তুত হও—
যিনি সুখকর তাঁকে প্রণাম কর এবং যিনি
দুঃখকর তাঁকেও প্রণাম কর—তা হলেই
স্বাস্থ্যলাভ করবে শক্তিলাভ করবে—যিনি
শিব যিনি শিবতর তাঁকেই প্রণাম করা হবে ।

শান্তিনিকেতন, ১৩শে অগ্রহায়ণ, ১৩১৫ ।

ত্যাগ

প্রতিদিন প্রাতে আমরা যে এই উপাসনা করছি যদি তার মধ্যে কিছু সত্য থাকে তবে তার সাহায্যে আমরা প্রত্যহ অল্পে অল্পে ত্যাগের ক্রম প্রস্তুত হচ্ছি। নিতান্তই প্রস্তুত হওয়া চাই, কারণ, সংসারের মধ্যে একটি ত্যাগের ধর্ম আছে, তার বিধান অমোঘ। সে আমাদের কোথাও দাঁড়াতে দিতে চায় না; সে বলে কেবলি ছাড়তে হবে এবং এগতে হবে। এমন কোথাও কিছুই দেখতে পাচ্চিনে যেখানে পৌঁছে বলতে পারি এইখানেই সমস্ত সমাপ্ত হল, পরিপূর্ণ হল, অতএব এখান থেকে আর কোনোকালেই নড়ব না।

সংসারের ধর্মই যখন কেবল ধরে রাখা নয়, সরিয়ে দেওয়া, এগিয়ে দেওয়া—তখন তারই সঙ্গে আমাদের ইচ্ছার সামঞ্জস্য সাধন

শান্তিনিকেতন

না করলে ছুটোতে কেবলি ঠোকাঠুকি হতে থাকে। আমরা যদি কেবলি বলি আমরা থাকুব আমরা রাখুব আর সংসার বলে তোমাকে ছাড়তে হবে চলতে হবে তাহলে বিষম কষ্ট উৎপন্ন হতে থাকে। আমাদের ইচ্ছাকে পরাস্ত হতে হয়—যা আমরা ছাড়তে চাইনে তা আমাদের কাছ থেকে কেড়ে নেওয়া হয়। অতএব আমাদের ইচ্ছাকেও এই বিশ্বধর্মের সুরে বাঁধতে হবে।

বিশ্বধর্মের সঙ্গে আমাদের ইচ্ছাকে মেলাতে পারলেই আমরা বস্তুত স্বাধীন হই। স্বাধীনতার নিয়মই তাই। আমি স্বেচ্ছায় বিশ্বের সঙ্গে যোগ না দিই যদি, তাহলেই বিশ্ব আমার প্রতি জ্বরদস্তি করে আমাকে তার অনুরূপ করবে—তখন আমার আনন্দ থাকবে না, গৌরব থাকবে না—তখন দাসের মত সংসারের কানমলা খাব।

অতএব একদিন এ কথা যেন সংসার না

ত্যাগ

বলতে পারে যে তোমার কাছ থেকে কেড়ে নেব, আমিই যেন বলতে পারি আমি ত্যাগ করব। কিন্তু প্রতিদিনই যদি ইচ্ছাকে এই ত্যাগের অভিমুখে প্রস্তুত না করি তবে মৃত্যু ও ক্ষতি যখন তার বড় বড় দাবি নিয়ে আমাদের সম্মুখে এসে দাঁড়াবে তখন তাকে কোনো মতে ফাঁকি দিতে ইচ্ছা হবে অথচ সেখানে একেবারেই ফাঁকি চলবে না—সে বড় দুঃখের দিন উপস্থিত হবে।

এই ত্যাগের দ্বারা আমরা দারিদ্র্য ও রিক্ততা লাভ করি এমন কথা যেন আমাদের মনে না হয়। পূর্ণতররূপে লাভ করবার জন্মেই আমাদের ত্যাগ।

আমরা যেটা থেকে বেরিয়ে না আসব সেটাকে আমরা পাব না। গর্ভের মধ্যে আবৃত শিশু তার মাকে পায় না—সে যখন নাড়ির বন্ধন কাটিয়ে ভূমিষ্ঠ হয়, স্বাধীন হয়, তখনই সে তার মাকে পূর্ণতরভাবে পায়।

শান্তিনিকেতন

এই জগতের গর্ভাবরণের মধ্যে থেকে আমাদের সেই রকম করে মুক্ত হতে হবে— তাহলেই ষথার্থ ভাবে আমরা জগৎকে পাব— কারণ, স্বাধীন ভাবে পাব। আমরা জগতের মধ্যে বদ্ধ হয়ে ক্রণের মত জগৎকে দেখতেই পাইনে—যিনি মুক্ত হয়েছেন, তিনিই জগৎকে জানেন, জগৎকে পান।

এই জন্তই বলছি যে লোক সংসারের ভিতরে জড়িয়ে রয়েছে সেই যে আসল সংসারী তা নয়—যে সংসার থেকে বেরিয়ে এসেছে সেই সংসারী—কারণ, সে তখন সংসারের থাকে না সংসার তারই হয়। সেই সত্য করে বলতে পারে আমার সংসার।

ঘোড়া গাড়ির সঙ্গে লাগামে বদ্ধ হয়ে গাড়ি চালায়—কিন্তু ঘোড়া কি বলতে পারে গাড়িটা আমার? বস্তুর গাড়ির চাকার সঙ্গে তার বেশি তফাৎ কি? যে সারথি মুক্ত থেকে গাড়ি চালায় গাড়ির উপরে কর্তৃত্ব তারই।

ত্যাগ

যদি কর্তা হতে চাই তবে মুক্ত হতে হবে ।
এই জ্ঞান গীতা সেই যোগকেই কৰ্মযোগ
বলেচেন যে যোগে আমরা অনাসক্ত হয়ে
কৰ্ম করি । অনাসক্ত হয়ে কৰ্ম করলেই
কৰ্মের উপর আমার পূর্ণ অধিকার জন্মে—
নহলে কৰ্মের সঙ্গে জড়ীভূত হয়ে আমরা
কৰ্মেরই অঙ্গীভূত হয়ে পড়ি, আমরা কৰ্মী
হইনে ।

অতএব সংসারকে লাভ করতে হলে
আমাদের সংসারের বাহিরে যেতে হবে, এবং
কৰ্মকে সাধন করতে গেলে আসক্তি পরিহার
করে আমাদের কৰ্ম করতে হবে ।

তার মানেই হল এই যে, সংসারে নেওয়া
এবং দেওয়া এই যে দুটো বিপরীত ধর্ম আছে
এই দুই বিপরীতের সামঞ্জস্য করতে হবে—এর
মধ্যে একটা একান্ত হয়ে উঠলেই তাতে
অকল্যাণ ঘটে । যদি নেওয়াটাই একমাত্র
বড় হয় তাহলে আমরা আবদ্ধ হই, আর যদি

শান্তিনিকেতন

দেওয়াটাই একমাত্র বড় হয় তাহলে আমরা বঞ্চিত হই। যদি কর্মটা মুক্তি-বিবর্জিত হয় তাহলে আমরা দাস হই আর যদি মুক্তি কর্মবিহীন হয় তাহলে আমরা বিলুপ্ত হই।

বস্তুত ত্যাগ জিনিষটা শূণ্যতা নয়, তা অধিকারের পূর্ণতা। নাবালক যখন সম্পত্তিতে পূর্ণ অধিকারী না হয় তখন সে দান বিক্রয় করতে পারে না—তখন তার কেবল ভোগের ক্ষুদ্র অধিকার থাকে ত্যাগের মহৎ অধিকার থাকে না। আমরা যে অবস্থায় কেবল জমাতে পারি কিন্তু প্রাণ ধরে দিতে পারিনে সে অবস্থায় আমাদের সেই সঞ্চিত সামগ্রীর সম্বন্ধে আমাদের স্বাধীনতা থাকে না।

এই জন্মে খুঁট বলে গিয়েছেন, যে লোক ধনী তার পক্ষে মুক্তি বড় কঠিন। কেননা যেটুকু ধন সে ছাড়তে না পারে সেইটুকু

ত্যাগ

ধনই যে তাকে বাঁধে—এই বন্ধটাকে যে
যতই বড় করে তুলেছে সে যে ততই বিপদে
পড়েছে ।

এই সমস্ত বন্ধন প্রত্যহ শিথিল হয়ে আস্চে
প্রত্যহ ত্যাগ আমাদের পক্ষে সহজ হয়ে
আস্চে আমাদের উপাসনা থেকে এই ফলটি
যেন লাভ করি । নানা আনন্দের নিবিড়
আকর্ষণে আমাদের প্রকৃতি একেবারে পাথ-
রের মত জঁট হয়ে আছে । উপাসনার
সময় অমৃতের বরণা করতে থাক্—আমাদের
অণুপরমাণুর ছিদের ভিতর দিয়ে প্রবেশ করতে
থাক্—এই পাষণটাকে দিনে দিনে বিশ্লিষ্ট
করতে থাক্, আর্দ্র করতে থাক্, তার পরে
ক্রমে এটা ক্ষুইয়ে দিয়ে সরিয়ে দিয়ে জীবনের
মাঝখানে একটি বৃহৎ অবকাশ রচনা করে
সেই অবকাশটিকে পূর্ণ করে দিক্ । দেখ,
একবার ভিতরের দিকে চেয়ে দেখ—অস্তুরের
সঙ্কোচনগুলি তাঁর নামের আঘাতে প্রতিদিন

শান্তিনিকেতন

প্রসারিত হয়ে আসছে, সমস্ত প্রসন্ন হচ্ছে,
শান্ত হচ্ছে, কর্ম সহজ হচ্ছে, সকলের সঙ্গে
সবক সমতা ও সরল হচ্ছে, এবং জৈশ্বের
মহিমা এই মানব জীবনের মধ্যে ধন্য হয়ে
উঠছে।

২৭শে অগ্রহায়ণ ১৩১৫

ত্যাগের ফল

কিন্তু ত্যাগ কেন করব এ প্রশ্নটার চরম উত্তরটি এখনো মনের মধ্যে এসে পৌঁছল না। শাস্ত্রে উত্তর দেয় ত্যাগ না করলে স্বাধীন হওয়া যায় না, যেটিকে ত্যাগ না করব সেইটিই আমাদের বন্ধ করে রাখবে—ত্যাগের দ্বারা আমরা মুক্ত হব।

মুক্তিলাভ করব এ কথাটার জোর যে আমাদের কাছে নেই। আমরা ত মুক্তি চাচ্চিনে; আমাদের ভিতরে যে অধীনতার একটা বিষম ঝোক আছে—আমরা যে ইচ্ছা করে খুসি হয়ে সংসারের অধীন হয়েছি—আমরা ঘাটবাটি খালার অধীন, আমরা ভূত্যেরও অধীন, আমরা কথার অধীন, প্রথার অধীন, অসংখ্য প্রবৃত্তির অধীন—এতবড় জন্ম-অধীন দাসানুদাসকে এ কথা বলাই মিথ্যা যে,

শান্তিনিকেতন

মুক্তিতে তোমার সার্থকতা আছে ; যে ব্যক্তি স্বভাবত এবং স্বেচ্ছাক্রমেই বদ্ধ তাকে মুক্তির প্রলোভন দেখানো মিথ্যা ।

বস্তুর মুক্তি তার কাছে শূণ্যতা, নির্বাণ, মরুভূমি । যে মুক্তির মধ্যে তার ঘর দুয়ার ঘটিবাটি টাকাকড়ি কিছুই নেই, যা কিছুকে সে একমাত্র আশ্রয় বলে জানত তার সমস্তই বিলুপ্ত—সে মুক্তি তার কাছে বিভীষিকা, বিনাশ ।

আমরা যে ত্যাগ করব তা যদি শূণ্যতার মধ্যেই ত্যাগ হয় তবে সে ত একেবারেই লোকসান । একটি কানাকড়িকেও সেই রকম শূণ্যের মধ্যে বিসর্জন দেওয়া আমাদের পক্ষে একবারে অসম্ভব ।

কিন্তু ত্যাগ ত শূণ্যের মধ্যে নয় । যদ্ যদ্ কর্ম প্রকুর্বাণীত তদব্রহ্মণি সমর্পয়েৎ—যা কিছু করবে সমস্তই ব্রহ্মে সমর্পণ করবে । তোমার সংসারকে তোমার প্রিয়জনকে তোমার সমস্ত

কিছুকেই তাঁকে নিবেদন করে দাও—এই
যে ত্যাগ এ যে পরিপূর্ণতার মধ্যে বিসর্জন ।

পূর্ণের মধ্যে যাকে ত্যাগ করি তাকেই
সত্যরূপে পূর্ণরূপে লাভ করি এ কথা পূর্বেই
বলেছি । কিন্তু এতেও কথা শেষ হয় না ।
কেবলমাত্র লাভের কথায় কোনো কথার
সমাপ্তি হতে পারে না—লাভ করে কি হবে
এ প্রশ্ন থেকে যায় । স্বাধীন হয়েই বা কি
হবে, পূর্ণতা লাভ করেই বা কি হবে ?

যখন কোনো ছেলেকে পয়সা দিই সে
জিজ্ঞাসা করতে পারে পয়সা নিয়ে কি
হবে ? উত্তর যদি দিই বাজারে যাবে তাহলেও
প্রশ্ন এই যে বাজারে গিয়ে কি হবে ? পুতুল
কিনবে । পুতুল কিনে কি হবে ? খেলা
করবে । খেলা করে কি হবে ? তখন
একটি উত্তরে সব প্রশ্নের শেষ হয়ে যায়—
খুসি হবে । খুসি হয়ে কি হবে এ প্রশ্ন
কেউ কখনো অন্তরের থেকে বলে না ।

শান্তিনিকেতন

ইচ্ছার পূর্ণ চরিতার্থতা হয়ে যে আনন্দ ঘটে সেই আনন্দের মধ্যেই সকল প্রপঞ্চ সকল সন্ধান নিঃশেষিত হয়ে যায়।

কেমন করে সংগ্রহ করব যার দ্বারা ত্যাগের শক্তি জন্মাবে? আমাদের এই প্রতিদিন উপাসনার মধ্যে আমরা কিছু কিছু সংগ্রহ করছি। এই প্রাতঃকালে সেই চৈতন্যস্বরূপের সঙ্গে নিজের চৈতন্যকে নিবিড় ভাবে পরিবেষ্টিত করে দেখবার জন্তে আমাদের যে ক্ষণকালের জন্তোও সমস্ত আবরণ ত্যাগ করতে হচ্ছে—অনাবৃত হয়ে সজোজাত শিশুর মত তাঁর কাছে আত্মসমর্পণ করতে হচ্ছে—এতেই আমার দিনে দিনে কিছু কিছু করে জমে উঠবে। আনন্দের সঙ্গে আনন্দ, প্রেমের সঙ্গে প্রেমের মিলন নিশ্চয় ক্রমশই কিছু না কিছু সহজ হয়ে আসছে।

কেমন করে ত্যাগ করব? সংসারের মাঝখানে থেকে অন্তত একটা মঙ্গলের

ত্যাগের কল

যন্ত্র আরম্ভ করে দাও। সেই মঙ্গল-
যন্ত্রের জন্ত তোমার ভাণ্ডারের একটা অতি
ছোট দরজাও যদি খুলে রাখ তা হলে দেখবে
আজ যে অনভ্যাসের দ্বারে একটু টান দিতে
গেলেই আর্তনাদ করে উঠে, যার মর্চে-
পড়া তালায় চাবি ঘুরচে না—ক্রমেই তা খোলা
অতি সহজ ব্যাপারের মত হয়ে উঠবে—একটি
শুভ উপলক্ষে ত্যাগ আরম্ভ হয়ে তা ক্রমশই
বিস্তৃত হতে থাকবে। সংসারকে ত আমরা
অহোরাত্র সমস্তই দিই, ভগবানকেও কিছু
দাও—প্রতিদিন একবার অন্তত মুষ্টিভিক্ষা
দাও—সেই নিম্পূহ ভিখারী তাঁর ভিক্ষাপাত্রটি
হাতে হাসিমুখে প্রতিদিনই আমাদের দ্বারে
আসছেন এবং প্রতিদিনই ফিরে যাচ্ছেন।
তাঁকে যদি একমুঠো করে দান করা আমরা
অভ্যাস করি তবে সেই দানই আমাদের
সকলের চেয়ে বড় হয়ে উঠবে। ক্রমে সে
আর আমাদের মুঠোর ধরবে না, ক্রমে কিছুই

শান্তিনিকেতন

আর হাতে রাখতে পারব না। কিন্তু তাঁকে যেটুকু দেব সেটুকু গোপনে দিতে হবে, তাঁর জন্তে কোনো মানুষের কাছে এতটুকু খ্যাতি চাইলে চলবে না। কেননা লোককে দেখিয়ে দেওয়া সেটুকু এক রকম করে দিয়ে অন্তরকম করে হরণ করা। সেই মহাভিক্ষুকে যা দিতে হবে তা অল্প হলেও নিঃশেষে দেওয়া চাই। তার হিসেব রাখলে হবে না, তার রসিদ চাইলে চলবে না। দিনের মধ্যে আমাদের একটা কোনো দান যেন এইরূপ পরিপূর্ণ দান হতে পারে—সে যেন সেই পরিপূর্ণ স্বরূপের কাছে পরিপূর্ণ ত্যাগ হয় এবং সংসারের মধ্যে এইটুকু ব্যাপারে কেবল তাঁরই সঙ্গে একাকী আমার প্রত্যহ একটি গোপন সাক্ষাতের অবকাশ ঘটে।

২৮শে অগ্রহায়ণ। ১৩১৫

প্রেম

বেদমন্ত্রে আছে মৃত্যুও তাঁর ছায়া, অমৃতও তাঁর ছায়া—উভয়কেই তিনি নিজের মধ্যে এক করে রেখেছেন। যাঁর মধ্যে সমস্ত দ্বন্দের অবসান হয়ে আছে তিনিই হচ্ছেন চরম সত্য। তিনিই বিশুদ্ধতম জ্যোতি, তিনিই নিৰ্ম্মলতম অন্ধকার।

সংসারের সমস্ত বিপরীতের সমন্বয় যদি কোনো একটি সত্যের মধ্যে না ঘটে তবে তাকে চরম সত্য বলে মানা যায় না। তবে তাঁর মধ্যে যেটুকু কুলোলোনা তাঁর জন্তে আর একটা সত্যকে মানতে হয়, এবং সে দুটিকে পরস্পরের বিরুদ্ধ বলেই ধরে নিতে হয়। তাহলেই অমৃতের জন্তে ঈশ্বরকে এবং মৃত্যুর জন্তে সম্মতানকে মানতে হয়।

শান্তিনিকেতন

কিন্তু আমরা ব্রহ্মের কোনো সরিককে মানিনে—আমরা জানি তিনিই সত্য, খণ্ড সত্যের সমস্ত বিরোধ তাঁর মধ্যে সামঞ্জস্য লাভ করেছে ; আমরা জানি তিনিই এক ; খণ্ড সত্যের সমস্ত বিচ্ছিন্নতা তাঁর মধ্যে সম্মিলিত হয়ে আছে ।

কিন্তু এ ত হল তত্ত্ব কথা । তিনি সত্য একথা জানলে কেবল জানে জানা হয়—এর সঙ্গে আমাদের হৃদয়ের যোগ কোথায় ? এই সত্যের কি কোনো রসই নেই ?

তা বলে চলবে কি করে ? সমস্ত সত্য যেমন তাঁতে মিলেছে তেমনি সমস্ত রসও যে তাঁতে মিলে গেছে । সেইজন্তে উপনিষৎ তাঁকে শুধু সত্য বলেন নি, তাঁকে রসস্বরূপ বলেচেন— তাঁকে সেই পরিপূর্ণ রসরূপে জানলে জানার সার্থকতা হয় ।

তাহলে দাঁড়ায় এই যিনি চরম সত্য তিনিই পরম রস । অর্থাৎ তিনি প্রেমস্বরূপ । নইলে

শেষ

ঠাঁর মধ্যে কিছুই সমাধান হতে পারতই না—ভেদ ভেদই থাকত, বিরোধ কেবলই আঘাত করত এবং মৃত্যু কেবলি হরণ করে নিত। ঠাঁর মধ্যে যে সমস্তই মেলে—সেটা একটা জ্ঞানতত্ত্বের মিলন নয়—ঠাঁর মধ্যে একটি প্রেমতত্ত্ব আছে—সেই জ্ঞান সমস্তকে মিলতেই হয়—সেই জ্ঞানই বিচ্ছেদ বিরোধ কখনই চিরন্তন সত্য বস্তু হয়ে উঠতে পারে না।

ইচ্ছার শেষ চরিতার্থতা প্রেমে। প্রেমে—কেন, কি হবে, এ সমস্ত প্রশ্ন থাকতেই পারে না—প্রেম আপনিই আপনার জবাবদিহি, আপনিই আপনার লক্ষ্য।

যদি বল ত্যাগের দ্বারা ত্যক্তবস্তু থেকে মুক্তিলাভ করবে তাতে আমাদের মন সায় দেয় না, যদি বল ত্যাগের দ্বারা ত্যক্ত বস্তুকে পূর্ণতর-রূপে লাভ করবে তাহলেও আমাদের মনের সম্পূর্ণরূপে সাড়া পাওয়া যায় না। যদি বল ত্যাগের দ্বারা প্রেমকে পাওয়া যাবে, তাহলে মন

শান্তিনিকেতন

আর কথাটি কহিতে পারে না—এ কথাটাকে যদি সে ঠিকমত অবধান করে শোনে তবে তাকে বলে উঠতেই হবে “তাহলে যে বাঁচি।”

ত্যাগের সঙ্গে প্রেমের ভারি একটা সম্বন্ধ আছে—এমন সম্বন্ধ যে, কে আগে কে পরে তা ঠিক করাই দায়। প্রেম ছাড়া ত্যাগ হয় না, আবার ত্যাগ ছাড়া প্রেম হতে পারে না। যা আমাদের কাছে থেকে প্রয়োজনের তাগিদে বা অত্যাচারের তাড়নায় ছিনিয়ে নেওয়া হয় সে ত ত্যাগই নয়—আমরা প্রেমে যা দিই তাই সম্পূর্ণ দিই, কিছুই তার আর রাখিনে, সেই দেওয়াতেই দানকে সার্থক মনে করি। কিন্তু এই যে প্রেম এও ত্যাগের সাধনাতেই শেষে আমাদের কাছে ধরা দেয়। যে লোক চিরকাল কেবল আপনার দিকেই টানে, নিজের অহঙ্কারকেই জয়ী করবার জগ্ৰে ব্যস্ত সেই স্বার্থপর সেই দাস্তিক ব্যক্তির মনে প্রেমের

উদয় হয় না—প্রেমের সূর্য্য একবারে কুহেলিকার আচ্ছন্ন হয়ে থাকে।

স্বার্থের বন্ধন ছাড়তে হবে, অহঙ্কারের নাগপাশ মোচন করতে হবে, যা কেবল জন্মবার জন্মেই জীবনপাত করেছি প্রত্যহ তা ত্যাগ করতে বসতে হবে—ত্যাগটা যেন ক্রমশই সহজ হয়ে আসে, নিজের দিকের টানটা যেন প্রত্যহই আলগা হয়ে আসে। তা হলেই কি যাকে মুক্তি বলে তাই পাব? হ্যাঁ মুক্তি পাবে। মুক্তি পেয়ে কি পাব? মুক্তির যা চরম লক্ষ্য সেই প্রেমকে পাব।

প্রেম কে? তিনিই প্রেম যিনি কোনো প্রয়োজন নেই তবু আমাদের জন্ম সমস্তই ত্যাগ করচেন, তিনিই প্রেমস্বরূপ। তিনি নিজের শক্তিকে বিশ্বব্রহ্মাণ্ডের ভিতর দিয়ে নিয়ত আমাদের জন্ম উৎসর্জন করচেন—সমস্ত সৃষ্টি তাঁর কৃত উৎসর্গ। আনন্দাক্ষেপ খামানি ভূতানি জায়ন্তে—আনন্দ থেকেই এই বা কিছু সমস্ত সৃষ্টি

স্বাধীনিকেন্দ্র

হচ্ছে, দারে পড়ে কিছুই হচ্ছে না—সেই স্বয়ম্ভু
সেই স্বতউৎসারিত প্রেমই সমস্ত সৃষ্টির মূল।

এই প্রেমস্বরূপের সঙ্গে আমাদের সম্পূর্ণ
যোগ হলেই আমাদের সমুদয় ইচ্ছার পরিপূর্ণ
চরিতার্থতা হবে। সম্পূর্ণ যোগ হতে গেলেই
যার সঙ্গে যোগ হবে তার মতন হতে হবে।
প্রেমের সঙ্গে প্রেমের দ্বারাই যোগ হবে।

কিন্তু প্রেম যে মুক্ত, সে যে স্বাধীন।
দাসত্বের সঙ্গে প্রেমের আর কোনো তফাৎই
নেই—কেবল দাসত্ব বন্ধ আর প্রেম মুক্ত।
প্রেম নিজের নিয়মেই নিজে চূড়ান্ত ভাবে
প্রতিষ্ঠিত, সে নিজের চেয়ে উপরের আর কারো
কাছে কোনো বিষয়ে কোনো কৈফিয়ৎ
দেয় না।

সুতরাং প্রেমস্বরূপের সঙ্গে মিলতে গেলে
আমাদের সম্পূর্ণ স্বাধীন হতে হবে। স্বাধীন
ছাড়া স্বাধীনের সঙ্গে আদান প্রদান চলতে
পারে না। তাঁর সঙ্গে আমাদের এই কথাবার্তা

হয়ে গেছে, তিনি আমাদের বলে রেখেছেন
তুমি মুক্ত হয়ে আমার কাছে এস—যে ব্যক্তি
দাস তার জন্ত আমার আম দরবার খোলা
আছে বটে কিন্তু সে আমার দাস দরবারে
প্রবেশ করতে পারবে না।

এক এক সময় মনের আগ্রহে আমরা তাঁর
সেই দাস দরবারের দরজার কাছে ছুটে যাই—
কিন্তু দারী বারবার আমাদের ফিরিয়ে দেয়।
বলে তোমার নিমন্ত্রণ-পত্র কই। খুঁজতে
গিয়ে দেখি আমার কাছে যে কটা নিমন্ত্রণ
আছে সে ধনের নিমন্ত্রণ, যশের নিমন্ত্রণ,
অমৃতের নিমন্ত্রণ নয়। বারবার ফিরে আসতে
হল—বারবার!

টিকিট-পরীক্ষককে ফাঁকি দেবার জো
নেই। আমরা দাম দিয়ে যে ইষ্টেশনের টিকিট
কিনেছি সেই ইষ্টেশনেই আমাদের নামতে হবে।
আমরা বহুকালের সাধনা এবং বহুদুঃখের সঞ্চয়
দিয়ে এই সংসার লাইনেরই নানা গম্যস্থানের

শান্তিনিকেতন

টিকিট কিনেছি অল্প লাইনে তা চলবে না।
এবার থেকে প্রতিদিন আবার অল্প লাইনের
টাকা সংগ্রহ করতে হবে। এবার থেকে যা
কিছু সংগ্রহ এবং যা কিছু ত্যাগ করতে হবে
সে কেবল সেই প্রেমের জন্তে।

সামঞ্জস্য

আমরা আর কোনো চরম কথা জানি বা না জানি নিজের ভিতর থেকে একটি চরম কথা বুঝে নিয়েছি সেটি হচ্ছে এই যে, একমাত্র প্রেমের মধ্যেই সমস্ত দ্বন্দ্ব এক সঙ্গে মিলে থাকতে পারে। যুক্তিতে তারা কাটাকাটি করে, কন্ঠে তারা মারামারি করে, কিছুতেই তারা মিলতে চায় না, প্রেমেতে সমস্তই মিটমাট হয়ে যায়। তর্কক্ষেত্রে কন্ঠক্ষেত্রে যারা দিতিপুত্র ও অদিতিপুত্রের মত পরস্পরকে একেবারে বিনাশ করবার জগ্গেই সর্বদা উদ্ভূত, প্রেমের মধ্যে তারা আপন ভাই।

তর্কের ক্ষেত্রে দ্বৈত এবং অদ্বৈত পরস্পরের একান্ত বিরোধী ;—হাঁ যেমন না-কে কাটে, না যেমন হাঁ-কে কাটে তারা তেমনি বিরোধী। কিন্তু প্রেমের ক্ষেত্রে দ্বৈত এবং



শান্তিনিকেতন

অদ্বৈত ঠিক একই স্থান জুড়ে রয়েছে। প্রেমতে একই কালে দুই হওয়াও চাই এক হওয়াও চাই। এই দুই প্রকাণ্ড বিরোধের কোনোটাই বাদ দিলে চলে না—আবার তাদের বিরুদ্ধ-রূপে থাকলেও চলবে না। যা বিরুদ্ধ তাকে অবিরুদ্ধ হয়ে থাকতে হবে এই এক সৃষ্টিছাড়া কাণ্ড এ কেবল প্রেমতেই ঘটে। এইজন্যই কেন যে আমি অগ্নের অগ্নে নিজেকে উৎসর্গ করতে যাই নিজের ভিতরকার এই রহস্য তলিয়ে বুঝতে পারিনি—কিন্তু স্বার্থ জিনিষটা বোঝা কিছুই শক্ত নয়।

ভগবান প্রেমস্বরূপ কিনা তাই তিনি এককে নিয়ে দুই করেচেন আবার দুইকে নিয়ে এক করেচেন। স্পষ্টই যে দেখতে পাচ্ছি দুই যেমন সত্য, একও তেমনি সত্য। এই অদ্ভুত ব্যাপারটাকেও ত যুক্তির দ্বারা নাগাল পাওয়া যাবে না—এষে প্রেমের কাণ্ড।

উপনিষদে ঈশ্বরের সম্বন্ধে এইভাবে কেবলি



সামঞ্জস্য

বিরুদ্ধ কথাই দেখতে পাই। য একোহবর্ণো
বহুশক্তিযোগাৎ বর্ণাননেকান্নিহিতার্থোদঘাতি।
তিনি এক, এবং তাঁর কোনো বর্ণ নেই
অথচ বহুশক্তি নিয়ে সেই জাতিহীন এক,
অনেক জাতির গভীর প্রয়োজনসকল বিধান
করছেন। যিনি এক তিনি আবার কোথা
থেকে অনেকের প্রয়োজন সকল বিধান করতে
যান ? তিনি যে প্রেমস্বরূপ—তাই, শুধু এক
হয়ে তাঁর চলে না, অনেকের বিধান নিয়েই
তিনি থাকেন।

স পর্যাগাৎ শুক্রং আবার তিনিই ব্যদধাৎ-
শাশ্বতীভ্যঃ সমাভ্যঃ—অর্থাৎ অনন্তদেশে তিনি
শুদ্ধ হয়ে ব্যাপ্ত হয়ে আছেন, আবার
অনন্তকালে তিনি বিধান করছেন, তিনি
কাজ করছেন। একাধারে স্থিতিও তিনি
গতিও তিনি।

আমাদের প্রকৃতির মধ্যেও এই স্থিতি ও
গতির সামঞ্জস্য আমরা একটিমাত্র জায়গায়

শান্তিনিকেতন

দেখতে পাই । সে হচ্ছে প্রেমে । এই চঞ্চল সংসারের মধ্যে যেখানে আমাদের প্রেম কেবলমাত্র সেই খানেই আমাদের চিন্তের স্থিতি—আর সমস্তকে আমরা ছুঁই আর চলে যাই, ধরি আর ছেড়ে দিই, যেখানে প্রেম সেইখানেই আমাদের মন স্থির হয় । অথচ সেইখানেই তার ক্রিয়াও বেশি । সেই-খানেই আমাদের মন সকলের চেয়ে সচল । প্রেমেতেই যেখানে স্থির করার সেইখানেই অস্থির করে । প্রেমের মধ্যেই স্থিতিগতি এক নাম নিরে আছে ।

কর্মক্ষেত্রে ত্যাগ এবং লাভ ভিন্ন শ্রেণীভুক্ত—তারা বিপরীতপর্যায়ের । প্রেমেতে ত্যাগও যা লাভও তাই । যাকে ভালবাসি তাকে যা দিই সেই দেওয়াটাই লাভ । আনন্দের হিসাবের খাতায় জমা ধরচ একই জায়গায়—সেখানে দেওয়াও যা পাওয়াও তাই । ভগবানও সৃষ্টিতে এই যে আনন্দের যত

এই যে প্রেমের খেলা ফেঁদেছেন এতে তিনি নিজেকে দিয়ে নিজেকেই লাভ করছেন। এই দেওয়াপাওয়ার একেবারে এক করে দেওয়াকেই বলে প্রেম।

দর্শনশাস্ত্রে মস্ত একটা তর্ক আছে জৈবর পুরুষ কি অপুরুষ তিনি সগুণ কি নিগুণ, তিনি personal কি impersonal ? প্রেমের মধ্যে এই হাঁ না একসঙ্গে মিলে আছে। প্রেমের একটা কোটি সগুণ, আর একটা কোটি নিগুণ। তার একদিক বলে আমি আছি আর একদিক বলে আমি নেই। “আমি” না হলেও প্রেম নেই, “আমি” না ছাড়লেও প্রেম নেই। সেই জন্তে ভগবান সগুণ কি নিগুণ সে সমস্ত তর্কের কথা কেবল তর্কের ক্ষেত্রেই চলে—সে তর্ক তাঁকে স্পর্শও করতে পারে না।

পাশ্চাত্য ধর্মতত্ত্বে বলে আমাদের অনন্ত উন্নতি—আমরা ক্রমাগতই তাঁর দিকে যাই কোনো কালে তাঁর কাছে যাইনে। আমাদের

শান্তিনিকেতন

উপনিষৎ বলেচেন আমরা তাঁর কাছে যেতেও পারিনে আবার তাঁর কাছে যেতেও পারি—
তাঁকে পাইও না, তাঁকে পাইও । যতোবাচো
নিবর্তন্তে অপ্রাপ্যমনসাসহ—আনন্দং ব্রহ্মণো
বিদ্বান ন বিভেতি কুতশ্চন । এমন অদ্ভুত
বিরুদ্ধ কথা একই শ্লোকের দুই চরণের
মধ্যে ত এমন স্পৃষ্ট করে আর কোথাও
শোনা যায়নি । শুধু বাক্য ফেরে না মনও
তাঁকে না পেয়ে ফিরে আসে—এ একেবারে
সাক্ষ্য জবাব । অথচ সেই ব্রহ্মের আনন্দকে
যিনি জেনেছেন তিনি আর কিছু থেকে ভয়
পান না । তবেইত যাকে একেবারেই জানা
যায় না তাঁকে এমনি জানা যায় যে আর কিছু
থেকেই ভয় থাকে না । সেই জানাটা কিসের
জানা ? আনন্দের জানা । প্রেমের জানা ।
এ হচ্ছে সমস্ত না জানাকে লঙ্ঘন করে জানা ।
প্রেমের মধ্যেই না জানার সঙ্গে জানার
ঐকান্তিক বিরোধ নেই । হ্রী তার স্বামীকে

সামঞ্জস্য

জ্ঞানের পরিচয়ে সকল দিক থেকে সম্পূর্ণ না জানতে পারে কিন্তু প্রেমের জ্ঞানায় আনন্দের জ্ঞানায় এমন করে জানতে পারে যে, কোনো জ্ঞানী তেমন করে জানতে পারে না। প্রেমের ভিতরকার এই এক অদ্ভুত রহস্য যে, যেখানে একদিকে কিছুই জানিনে সেখানে অন্যদিকে সম্পূর্ণ জানি। প্রেমেতেই অসীম সীমার মধ্যে ধরা দিচ্ছেন এবং সীমা অসীমকে আণিঙ্গন করচে—তর্কের দ্বারা এর কোনো মীমাংসা করবার জো নেই।

ধর্মশাস্ত্রে ত দেখা যায় মুক্তি এবং বন্ধনে এমন বিরুদ্ধ সম্বন্ধ যে, কেউ কাউকে রেয়াৎ করে না। বন্ধনকে নিঃশেষে নিকাস করে দিলে মুক্তিলাভ করতে হবে এই আমাদের প্রতি উপদেশ। স্বাধীনতা জিনিষটা যেন একটা চূড়ান্ত জিনিষ পাশ্চাত্য শাস্ত্রেও এই সংস্কার আমাদের মনে বদ্ধমূল করে দিয়েছে। কিন্তু একটি ক্ষেত্র আছে যেখানে স্বাধীনতা

শান্তিনিকেতন

এবং স্বাধীনতা ঠিক সমান গৌরব ভোগ করে একথা আমাদের ভুলে চলে না। সে হচ্ছে প্রেমে। সেখানে অধীনতা স্বাধীনতার কাছে এক চুলও মাথা হেঁট করে না। প্রেমই সম্পূর্ণ স্বাধীন এবং প্রেমই সম্পূর্ণ অধীন।

ঈশ্বর ত কেবলমাত্র মুক্ত নন তাহলে ত তিনি একেবারে নিষ্ক্রিয় হতেন। তিনি নিজেকে বেঁধেছেন। না যদি বাঁধতেন তা হলে সৃষ্টিই হতনা এবং সৃষ্টির মধ্যে কোনো নিয়ম কোনো তাৎপর্যই দেখা যেত না। তাঁর যে আনন্দরূপ, যে রূপে তিনি প্রকাশ পাচ্ছেন এই ত তাঁর বন্ধনের রূপ। এই বন্ধনেই তিনি আমাদের কাছে আপন, আমাদের কাছে সুন্দর। এই বন্ধন তাঁর আমাদের সঙ্গে প্রণয়বন্ধন। এই তাঁর নিজস্ব স্বাধীন বন্ধনেই ত তিনি আমাদের সখা, আমাদের পিতা। এই বন্ধনে যদি তিনি ধরা না দিতেন

তাহলে আমরা বলতে পারতুম না যে, স এব
 বন্ধুজনিতা স বিধাতা, তিনিই বন্ধু তিনিই পিতা
 তিনিই বিধাতা। এত বড় একটা আশ্চর্য্য
 কথা মানুষের মুখ দিয়ে বের হতেই পারত
 না। কোন্টা বড় কথা? ঈশ্বর শুদ্ধবুদ্ধমুক্ত,
 এইটে? না, তিনি আমাদের সঙ্গে পিতৃস্বে,
 সখিস্বে, পতিস্বে, বন্ধু—এইটে? ছোট্টই সমান
 বড় কথা। অধীনতাকে অত্যন্ত ছোট করে
 দেখে তার সম্বন্ধে আমাদের একটা হীন
 সংস্কার হয়ে গেছে। এ রকম অন্ধ
 সংস্কার আরও আমাদের অনেক আছে।
 যেমন আমরা ছোটকে মনে করি তুচ্ছ,
 বড়কেই মনে করি মহৎ—যেন গণিতশাস্ত্রের
 দ্বারা কাউকে মহৎ দিতে পারে! তেমনি
 সীমাকে আমরা গাল দিয়ে থাকি। যেন,
 সীমা জিনিষটা যে কি তা আমরা কিছুই
 জানি! সীমা একটি পরমাশ্চর্য্য রহস্য। এই
 সীমাইত অসীমকে প্রকাশ করচে। এ কি

শান্তিনিকেতন

অনির্বাচনীয় ! এর কি আশ্চর্যরূপ, কি আশ্চর্যগুণ, কি আশ্চর্যবিকাশ ! একরূপ হতে আর একরূপ, একগুণ হতে আর একগুণ, এক শক্তি হতে আর এক শক্তি—এরইবা নাশ কোথায় ! এরইবা সীমা কোন্ ধানে ! সীমা যে ধারণাতীত বৈচিত্র্যে, যে অগণনীয় বহুলত্বে, যে অশেষ পরিবর্তন পরম্পরায় প্রকাশ পাচ্ছে তাকে অবজ্ঞা করতে পারে এত বড় সাধ্য আছে কার ! বস্তুত আমরা নিজের ভাষাকেই নিজে অবজ্ঞা করি কিন্তু সীমা পদার্থকে অবজ্ঞা করি এমন অধিকার আমাদের নেই । অসীমের অপেক্ষা সীমা কোনো অংশেই কম আশ্চর্য নয়, অব্যক্তের অপেক্ষা ব্যক্ত কোনোমতেই অশ্রদ্ধের নয় ।

স্বাধীনতা অধীনতা নিয়েও আমরা কথার খেলা করি । অধীনতাও যে স্বাধীনতার সঙ্গেই এক আসনে বসে রাজত্ব করে একথা আমরা ভুলে যাই । স্বাধীনতাই যে আমরা চাই

সামঞ্জস্য

তা নয়, অধীনতাও আমরা চাই। যে চাওয়াতে আমাদের ভিতরকার এই দুই চাওয়ারই সম্পূর্ণ সামঞ্জস্য হয় সেই হচ্ছে প্রেমের চাওয়া। বন্ধনকে স্বীকার করে বন্ধনকে অতিক্রম করব এই হচ্ছে প্রেমের কাজ। প্রেম যেমন স্বাধীন এমন স্বাধীন আর দ্বিতীয় কেউ নেই আবার প্রেমের যে অধীনতা এত বড় অধীনতাই বা জগতে কোথায় আছে!

অধীনতা জিনিষটা যে কত বড় মহিমাবিত্ত বৈষ্ণবধর্ম্যে সেইটে আমাদের দেখিয়েছে। অদ্ভুত সাহসের সঙ্গে অসঙ্কোচে বলেছে ভগবান জীবের কাছে নিজেকে বাঁধা রেখেছেন—সেই পরম গৌরবের উপরেই জীবের অস্তিত্ব। আমাদের পরম অভিমান এই যে তিনি আমাদের ছেড়ে থাকতে পারেন নি—এই বন্ধনটি তিনি মেনেছেন—নইলে আমরা আছি কি করে ?

মা যেমন সন্তানের, প্রণয়ী যেমন প্রণয়ীর

শান্তিনিকেতন

সেবা করে তিনি তেমনি বিশ্ব জুড়ে আমাদের সেবা করছেন। তিনি নিজেকে সেবক হয়ে সেবা জিনিষকে অসীম মাহাত্ম্য দিয়েছেন। তাঁর প্রকাণ্ড জগৎটি নিয়ে তিনি ত খুব ধুমধাম করতে পারতেন কিন্তু আমাদের মন ভোলাবার এত চেষ্টা কেন? নানা ছলে নানা কলার বিশ্বের সঙ্গে আমাদের এত অসংখ্য ভাল লাগাবার সম্পর্ক পাতিয়ে দিচ্ছেন কেন? এই ভাল লাগাবার অপ্ৰয়োজনীয় আয়োজনের কি অস্ত আছে? তিনি নানা দিক থেকে কেবলি বলছেন তোমাকে আমার আনন্দ দিচ্ছি তোমার আনন্দ আমাকে দাও। তিনি যে নিজেকে চারিদিকেই সীমার অপরূপ ছন্দে বেঁধেছেন—নইলে প্রেমের গীতিকাব্য প্রকাশ হয় না যে!

এই প্রেমস্বরূপের সঙ্গে আমাদের প্রেম যেখানেই ভাল করে না মিলে সেখানে সমস্ত জগতে তার বেসুরটা বাজ্চে। সেখানে

সামঞ্জস্য

কত দুঃখ যে জাগ্চে তার সীমা নেই—চোখের
জল বয়ে যাচ্ছে। ওগো প্রেমিক, তুমি যে
প্রেম কেড়ে নেবে না তুমি যে মন ভুলিয়ে
নেবে—একদিন সমস্ত মনে প্রাণে কাঁদিয়ে
তার পরে তোমার প্রেমের ঋণ শোধ করাবে।
তাই এত বিলম্ব হয়ে যাচ্ছে—তাই ত, সন্ধ্যা
হয়ে আসে তবু আমার অভিসারের সজ্জা
হল না।

২৯শে অগ্রহায়ণ, ১৩১৫।

—

কি চাই ?

আমরা এতদিন প্রত্যহ আমাদের উপাসনা থেকে কি ফল চেয়েছিলুম ? আমরা চেয়েছিলুম শান্তি। ভেবেছিলুম এই উপাসনা বনস্পতির মত আমাদের ছায়া দেবে, প্রতিদিন সংসারের তাপ থেকে আমাদের বাঁচাবে।

কিন্তু শান্তিকে চাইলে শান্তি পাওয়া যায় না। তার চেয়ে আরো অনেক বেশি না চাইলে শান্তির প্রার্থনাও বিফল হয়।

জ্বরের রোগী কাতর হয়ে বলে আমার এই জ্বালাটা জুড়োক ; হয়ত জলে ঝাঁপ দিয়ে পড়ে। তাতে ষেটুকু শান্তি হয় সেটা ত স্থায়ী হয় না—এমন কি, তাতে তাপ বেড়ে যেতে পারে। রোগী যদি শান্তি চায়, স্বাস্থ্য না চায় তবে সে শান্তিও পায় না স্বাস্থ্যও পায় না।

কি চাই

আমাদেরও শান্তিতে চলবে না, প্রেম দরকার। বরঞ্চ মনে ঐ যে একটুকু শান্তি পাওয়া যায়, কিছুক্ষণের জন্তে একটা স্নিগ্ধতার আবরণ আমাদের উপর এসে পড়ে সেটাতে আমাদের ভুলায়,—আমরা মনে নিশ্চিত হয়ে বসি আমাদের উপাসনা সার্থক হল—কিন্তু ভিতরের দিকে সার্থকতা দেখতে পাইবেন।

কেননা, দেখতে পাই, ব্যাধি যে যায় না। সমস্ত দিন নানা ঘটনায় দেখতে পাই সংসারের সঙ্গে আমাদের সম্বন্ধ সহজ হয় নি। রোগীর সঙ্গে তার বাহিরের প্রকৃতির সম্বন্ধ যে রকম সেইরকম হয়ে আছে। বাহিরে যেখানে সামান্য ঠাণ্ডা রোগীর দেহে সেখানে অসহ্য শীত; বাহিরের স্পর্শ যেখানে অতি মৃদু রোগীর দেহে সেখানে দুঃসহ বেদনা। আমাদেরও সেই দশা, বাহিরের সঙ্গে ব্যবহারে আমাদের ওজন ঠিক থাকে না। ছোট

শান্তিনিকেতন

কথা অত্যন্ত বড় করে গুন্টি, ছোট ব্যাপার অত্যন্ত ভারি হয়ে উঠে।

ভার বাড়ে কখন; না, কেন্দ্রের দিকে ভারাকর্ষণ যখন বেশি হয়। পৃথিবীতে যে হাঙ্গা জিনিষ আমরা সহজেই তুলি, যদি বৃহস্পতিগ্রহে যাই তবে সেখানে সেটুকুও আমাদের হাড় গুঁড়িয়ে দিতে পারে। কেননা সেখানে এই কেন্দ্রের দিকের আকর্ষণ পৃথিবীর চেয়ে অনেক বেশি। আমরাও তাই দেখছি আমাদের নিজের কেন্দ্রের দিকের টানটা অত্যন্ত বেশি—আমাদের স্বার্থ ভিতরের দিকেই টান্চে, অহঙ্কার ভিতরের দিকেই টান্চে, এই জন্তেই সব জিনিষই অত্যন্ত ভারি হয়ে উঠে—যা তুচ্ছ তা কেবলমাত্র আমার ঐ ভিতরের টানের জোরেই আমাকে কেবলই চাপ্চে—সব জিনিষই আমাকে ঠেসে ধরেচে—সব কথাই আমাকে ঠেলে দিচে—ক্ষণকালের শান্তির দ্বারা এটাকে ভুলে থেকে আমাদের লাভটা কি ?

কি চাই

এই চাপটা হাকা হয় কখন ? প্রেমে ।
তখন যে ঐ টানটা বাইরের দিকে যায় ।
আমাদের জীবনে অনেকবার তার পরিচয়
পেয়েছি । যেদিন প্রণয়ীর সঙ্গে আমাদের
প্রণয় বিশেষভাবে সার্থক হয়েছে সেদিন
কেবল যে আকাশের আলো উজ্জ্বলতর, বনের
শ্রামলতা শ্রামলতর হয়েছে তা নয় সেদিন
আমাদের সংসারের ভারাকর্ষণের টান একে-
বারে আলুগা হয়ে গেছে । অন্তর্দিন ভিক্ষুককে
যখন একপয়সামাত্র দিই সেদিন তাকে আধুলি
দিয়ে ফেলি ; অর্থাৎ অন্তর্দিন এক পয়সার
যে ভার ছিল আজ বত্রিশ পয়সার সেই ভার ।
অন্তর্দিন যে কাজে হয়রান্ হয়ে পড়তুম
আজ সে কাজে ক্লাস্তি নেই—হঠাৎ কাজ হাকা
হয়ে গেছে । পয়সা সেই পয়সাই আছে,
কাজ সেই কাজই আছে, কেবল তার ওজন
কমে গেছে কেননা টান যে আজ আমার
নিজের কেন্দ্রের দিকে নয় ; প্রেমে যে আমাকে

শান্তিনিকেতন

বাইরে টান দিয়ে একেবারে এক মুহূর্তে সমস্ত জগতের বোঝা নামিয়ে দিয়ে গেছে।

আমাদের সাধনা যেমনই হোক আমাদের সংসার সেই সঙ্গে যদি হাঙ্কা হতে না থাকে তবে বুঝ যে হল না। যদি বুঝি টাকার ওজন তেমনি ভয়ানক আছে, উপকরণের বোঝা তেমনিই আমাকে চেপে আছে, তার মধ্যে অতি ছোট টুকুকেও ফেলে দিতে পারি এমন বল আমার নেই; যদি দেখি কাজ যত বড় তার ভার যেন তার চেয়ে অনেক বেশি তাহলে বুঝতে হবে প্রেম ছোটেনি— আমাদের বরণসভায় বর আসেনি।

তবে আর ঐ শান্তিটুকু নিয়ে কি হবে? ওতে আমাদের আসল জিনিসটা ফাঁকি দিয়ে অল্পে সন্তুষ্ট করে রাখবে। প্রেমের মধ্যে শুধু শান্তি নেই তাতে অশান্তিও আছে; জোয়ারের জলের মত কেবল যে তার পূর্ণতা তা নয় তারই মত তার গতিবেগও আছে;—

কি চাই

সে আমাদের ভরিয়ে দিয়ে বসিয়ে রাখবে না,
সে আমাদের ভাঁটার মুখের থেকে ফিরিয়ে
উল্টো টানে টেনে নিয়ে যাবে—তখন এই
অচল সংসারটাকে নিয়ে কেবলি গুণ-টানাটানি
লগি-ঠেলাঠেলি করে মরতে হবে না—সে
ছু করে ভেসে চলবে !

যতদিন সেই প্রেমের টান না ধরে ততদিন
শান্তিতে কাজ নেই—ততদিন অশান্তিকে যেন
অনুভব করতে পারি । ততদিন যেন বেদনাকে
নিয়ে রাত্রে শুতে যাই এবং বেদনাকে নিয়ে
সকাল বেলায় জেগে উঠি—চোখের জলে
ভাসিয়ে দাও, স্থির থাকতে দিয়ো না ।

প্রতিদিন প্রাতে যখন অন্ধকারের দ্বার
উদঘাটিত হয়ে যায়, তখন যেন দেখতে পাই
বন্ধু দাঁড়িয়ে আছ, সূখের দিন হোক দুঃখের
দিন হোক, বিপদের দিন হোক, তোমার সঙ্গে
আমার দেখা হল, আজ আমার আর ভাবনা
নেই, আমার আজ সমস্তই সহ হবে । যখন

শান্তিনিকেতন

প্রেম না থাকে, হে সখা, তখনই শান্তির জন্তে
দরবার করি। তখন অন্ন পুঁজিতে যে কোনো
আঘাত সহিতে পারিনে—কিন্তু যখন প্রেমের
অভ্যুদয় হয় তখন যে দুঃখ যে অশান্তিতে সেই
প্রেমের পরীক্ষা হবে সেই দুঃখ সেই অশান্তি-
কেও মাথায় তুলে নিতে পারি। হে বন্ধু,
উপাসনার সময় আমি আর শান্তি চাইব না—
আমি কেবল প্রেম চাইব। প্রেম শান্তিরূপেও
আসবে অশান্তিরূপেও আসবে, সুখ হয়েও
আসবে দুঃখ হয়েও আসবে—সে যে-কোনো
বেশেই আসুক তার মুখের দিকে চেয়ে যেন
বলতে পারি তোমাকে চিনেছি, বন্ধু, তোমাকে
চিনেছি।

৩০শে অগ্রহায়ণ, ১৩১৫।

প্রার্থনা ।

উপনিষৎ ভারতবর্ষের ব্রহ্মজ্ঞানের বনস্পতি ।
এ যে কেবল সুন্দর শ্রামল ছায়াময় তা নয়,
এ বৃহৎ এবং এ কঠিন । এর মধ্যে যে কেবল
মিছির প্রাচুর্য পল্লবিত তা নয় এতে তপস্কার
কঠোরতা উর্দ্ধগামী হয়ে রয়েছে । সেই অত্র-
ভেদী সুন্দর অটলতার মধ্যে একটি মধুর ফুল
ফুটে আছে—তার গন্ধে আমাদের ব্যাকুল
করে তুলেছে । সেটি ঐ মৈত্রেয়ীর প্রার্থনা-
শ্লোকটি ।

যাজ্ঞবল্ক্য যখন গৃহত্যাগ করবার সময়
তার পত্নী ছটিকে তার সমস্ত সম্পত্তি দান করে
যেতে উত্তম হলেন তখন মৈত্রেয়ী বিজ্ঞাসা
করলেন, আচ্ছা বল ত এসব নিয়ে কি আমি
আমর হব ? যাজ্ঞবল্ক্য বললেন, না, তা হবে না,
অথ কি মা উপকরণবস্তুর যেমনডর বীকন

শান্তিনিকে ভ্রম

তোমার জীবন সেই রকম হবে। সংসারীরা যেমন করে তাদের ঘর ছাড়ার গোরুবাছুর অশনবসন নিয়ে স্বচ্ছন্দে দিন কাটায়ে তোমরাও তেমনি করে দিন কাটাতে পারবে।

মৈত্রেয়ী তখন একমুহূর্তে বলে উঠলেন “যেনাহং নামৃতাত্ম্যাম্ কিমহং তেন কুর্য্যাম্ !” যার দ্বারা আমি অমৃত না হব তা নিয়ে আমি কি করব! এ তো কঠোর জ্ঞানের কথা নয়—তিনি ত চিন্তার দ্বারা ধ্যানের দ্বারা কোন্টা নিত্য কোন্টা অনিত্য তার বিবেকলাভ করে একথা বলেন নি—তাঁর মনের মধ্যে একটি কষ্টপাথর ছিল যার উপরে সংসারের সমস্ত উপকরণকে একবার ঘষে নিয়েই তিনি বলে উঠলেন “আমি যা চাই এতো তা নয়!”

উপনিষদে সমস্ত পুরুষ ঋষিদের জ্ঞানগন্তীর বাণীর মধ্যে একটিমাত্র স্ত্রীকণ্ঠের এই একটিমাত্র ব্যাকুল বাক্য ধ্বনিত হয়ে উঠেছে এবং সে ধ্বনি বিলীন হয়ে যায়নি—সেই ধ্বনি তাঁদের



প্রার্থনা

মেঘমল্ল শান্ত স্বরের মাঝখানে অপূর্ব একটি অশ্রুপূর্ণ মাধুর্য জাগ্রত করে রেখেছে। মানুষের মধ্যে যে পুরুষ আছে উপনিষদে নানাদিকে নানাভাবে আমরা তারই সাক্ষাৎ পেয়েছিলুম এমন সময়ে হঠাৎ একপ্রান্তে দেখা গেল মানুষের মধ্যে যে নারী রয়েছেন তিনিও সৌন্দর্য্য বিকীর্ণ করে দাঁড়িয়ে রয়েছেন।

আমাদের অন্তর-প্রকৃতির মধ্যে একটি নারী রয়েছেন। আমরা তাঁর কাছে আমাদের সমুদয় সঞ্চয় এনে দিই। আমরা ধন এনে বলি এই নাও। খ্যাতি এনে বলি এই তুমি জমিয়ে রাখ। আমাদের পুরুষ সমস্ত জীবন প্রাণপণ পরিশ্রম করে কতদিক থেকে কত কি যে আন্চে তার ঠিক নেই—স্ত্রীটিকে বল্চে এই নিয়ে তুমি ঘর ফাঁদ, বেশ গুছিয়ে ঘরকন্না কর, এই নিয়ে তুমি সুখে থাক। আমাদের অন্তরের তপস্বিনী এখনো স্পষ্ট করে বলতে পারচে না যে, এ সবে আমার কোনো ফল

পার্বিনিকেতন

হবে না, সে মনে করতে হয় ত আমি যা চাচ্ছি তা বুঝি এইই। কিন্তু তবু সব নিয়মেও সব পেলুম বলে তার মন মান্চে না। সে ভাব্চে হয় ত পাওয়ার পরিমাণটা আরো বাড়াতে হবে—টাকা আরো চাই, খ্যাতি আরো দরকার, ক্ষমতা আরো না হলে চল্চে না। কিন্তু সেই আরোর শেষ হয় না। বস্তুত সে যে অমৃতই চায় এবং এই উপকরণগুলো যে অমৃত নয় এটা একদিন তাকে বুঝতেই হবে—একদিন একমুহূর্তে সমস্ত জীবনের স্তূপাকার সঞ্চয়কে এক পাশে আবর্জনার মত ঠেলে দিয়ে তাকে বলে উঠতেই হবে—ষেনাহং নাশ্বতা স্তাম্ কিমহং তেন কুৰ্য্যাম্ !

কিন্তু মৈত্রেয়ী ঐ যে বলেছিলেন “আমি যাতে অমৃত না হবো তা নিরে আমি কি করব” তার মানেটা কি ? অমর হওয়ার মানে কি এই পার্থিব শরীরটাকে অনন্তকাল বহন করে চলা ? অথবা মৃত্যুর পরেও কোনোরূপে

প্রার্থনা

জন্মান্তরে বা অবস্থান্তরে টিকে থাকা ?
মৈত্র্যেয়ী যে শরীরের অমরতা চান নি এবং
আত্মার নিত্যতা সম্বন্ধেও তাঁর কোনো দুশ্চিন্তা
ছিল না একথা নিশ্চিত । তবে তিনি কিভাবে
অমৃত হতে চেয়েছিলেন ?

তিনি এই কথা বলেছিলেন, সংসারে
আমরা ত কেবলি একটার ভিতর দিয়ে আর
একটাতে চলেছি—কিছুতেই ত স্থির হয়ে
থাকতে পারচিনে । আমার মনের বিষয়গুলোও
সরে যায় আমার মনও সরে যায় । যাকে
আমার চিন্ত অবলম্বন করে তাকে যখন ছাড়ি
তখন তার সম্বন্ধে আমার মৃত্যু ঘটে । এমনি
করে ক্রমাগত এক মৃত্যুর ভিতর দিয়ে আর
মৃত্যুতে চলেছি—এই যে মৃত্যুর পর্যায় এর
আর অন্ত নেই ।

অর্থাৎ আমার মন এমন কিছুকে চার ধার
থেকে তাকে আর নড়তে হবে না—যেটা
পেলে সে বলতে পারে এ ছাড়া আমি আর

শান্তিনিকেতন

বেশি চাইনে—যাকে পেলে আর ছাড়া-ছাড়ির
কোনো কথাই উঠবে না ! তা হলেই ত মৃত্যুর
হাত একেবারে এড়ানো যায় । এমন কোন্
মানুষ এমন কোন্ উপকরণ আছে যাকে নিয়ে
বলতে পারি এই আমার চিরজীবনের সম্বল
শাভ হয়ে গেল—আর কিছুই দরকার নেই !

সেইজন্তেই ত স্বামীর ত্যক্ত সমস্ত বিষয়
সম্পত্তি ঠেলে ফেলে দিয়ে মৈত্র্যে বনে উঠে-
ছিলেন এসব নিয়ে আমি কি করব ! আমি যে
অমৃতকে চাই !

আচ্ছা, বেশ, উপকরণ ত অমৃত নয়, তা
হলে অমৃত কি ! আমরা জানি অমৃত কি ।
পৃথিবীতে একেবারে যে তার স্বাদ পাইনি তা
নয় । যদি না পেতুম তা হলে তার জন্তে
আমাদের কান্না উঠত না । আমরা সংসারের
সমস্ত বিষয়ের মধ্যে কেবলি তাকে খুঁজে
বেড়াচ্ছি, তার কারণ ক্ষণে-ক্ষণে সে আমাদের
স্পর্শ করে যায় ।

প্রার্থনা

মৃত্যুর মধ্যে এই অমৃতের স্পর্শ আমরা কোন্‌খানে পাই ? যেখানে আমাদের প্রেম আছে । এই প্রেমেই আমরা অনন্তের স্বাদ পাই । প্রেমেই সীমার মধ্যে অসীমতার ছায়া ফেলে পুরাতনকে নবীন করে রাখে, মৃত্যুকে কিছুতেই স্বীকার করে না । সংসারের বিচিত্র বিষয়ের মধ্যে এই যে প্রেমের আভাস দেখতে পেয়ে আমরা মৃত্যুর অতীত পরম পদার্থের পরিচয় পাই, তাঁর স্বরূপ যে প্রেমস্বরূপ তা বুঝতে পারি—এই প্রেমকেই যখন পরিপূর্ণরূপে পাবার জন্য আমাদের অন্তরাত্মার সত্য আকাঙ্ক্ষা আবিষ্কার করি তখন আমরা সমস্ত উপকরণকে অনায়াসেই ঠেলে দিয়ে বলতে পারি “যেনাহং নামৃতঃ শ্চাম্ কিমহং তেন কুর্যাম্ !”

এই যে বলা, এটি যখন রমণীর মুখের থেকে উঠেছে তখন কি স্পষ্ট, কি সত্য, কি মধুর হয়েই উঠেছে । সমস্ত চিন্তা সমস্ত

শান্তিনিকেতন

যুক্তি পরিহার করে কি অনায়াসেই এটি ধ্বনিত হয়ে উঠেছে। ওগো, আমি ঘর-দুয়ার কিছুই চাইনে আমি প্রেম চাই—এ কি কান্না !

মৈত্রেয়ীর সেই সরল কান্নাটি যে প্রার্থনারূপ ধারণ করে জাগ্রত হয়ে উঠেছিল তেমন আশ্চর্য্য পরিপূর্ণ প্রার্থনা কি জগতে আর কোথাও কখনো শোনা গিয়েছে? সমস্ত মানবহৃদয়ের একান্ত প্রার্থনাটি এই রমণীর ব্যাকুলকণ্ঠে চিরন্তনকালের জন্মে বাণীলাভ করেছে। এই প্রার্থনাই আমাদের প্রত্যেকের একমাত্র প্রার্থনা, এবং এই প্রার্থনাই বিশ্বমানবের বিরাট ইতিহাসে যুগে যুগান্তরে উচ্চারিত হয়ে আস্চে !

যেনাহং নামৃতা শ্চাম্ কিমহং তেন কুর্যাম্
এই কথাটি সবেগে বলেই কি সেই ব্রহ্মবাদিনী
তখনি কোড়হাতে উঠে :দাঁড়ালেন এবং তাঁর
অশ্রুপ্লাবিত মুখটি আকাশের দিকে তুলে
বলে উঠলেন—অসতোমা সদগময়, তমসোমা

প্রার্থনা

জ্যোতির্গময়, মৃত্যোর্মা মৃতকময়—আবিরাবীর্ষ-
এধি—রুদ্র যন্তে দক্ষিণং মুখং তেন মাং
পাহি নিত্যম্ ?

উপনিষদে পুরুষের কণ্ঠে আমরা অনেক
গভীর উপলব্ধির কথা পেয়েছি কিন্তু কেবল
দ্বীপ কণ্ঠেই এই একটি গভীর প্রার্থনা লাভ
করেছি। আমরা যথার্থ কি চাই অথচ কি
নেই তার একাগ্র অনুভূতি প্রেমকাতর রমণী-
হৃদয় থেকেই অতি সহজে প্রকাশ পেয়েছে।
—হে সত্য, সমস্ত অসত্য হতে আমাকে
তোমার মধ্যে নিয়ে যাও, নইলে যে আমাদের
প্রেম উপবাসী হয়ে থাকে, হে জ্যোতি, গভীর
অন্ধকার হতে আমাকে তোমার মধ্যে নিয়ে
যাও, নইলে যে আমাদের প্রেম কারাক্ষ হলে
থাকে, হে অমৃত, নিরন্তর মৃত্যুর মধ্যে দিয়ে
আমাকে তোমার মধ্যে নিয়ে যাও, নইলে
যে আমাদের প্রেম আসন্নরাত্রির পথিকের মত
নিরাশ্রয় হয়ে ঘুরে ঘুরে বেড়ায়। হে প্রকাশ,

শান্তিনিকেতন

তুমি আমার কাছে প্রকাশিত হও তাহলেই আমার সমস্ত প্রেম সার্থক হবে। আবিরাবীর্ষ-এধি—হে আবিঃ হে প্রকাশ, তুমি ত চির-প্রকাশ, কিন্তু তুমি একবার আমার হও, আমার হয়ে প্রকাশ পাও—আমাতে তোমার প্রকাশ পূর্ণ হোক! হে রুদ্র হে ভয়ানক—তুমি যে পাপের অঙ্ককারে বিরহরূপে দুঃসহ রুদ্র, যন্তে দক্ষিণঃমুখং, তোমার যে প্রসন্নসুন্দর মুখ, তোমার যে প্রেমের মুখ, তাই আমাকে দেখাও—তেন মাং পাহি নিত্যম্—তাই দেখিয়ে আমাকে রক্ষা কর, আমাকে বাঁচাও, আমাকে নিত্যকালের মত বাঁচাও—তোমার সেই প্রেমের প্রকাশ, সেই প্রসন্নতাই আমার অনন্তকালের পরিত্রাণ!

হে তপস্বিনী যৈত্রেয়ী, এস সংসারের উপকরণপীড়িতের হৃদয়ের মধ্যে তোমার পবিত্র চরণ দুটি আজ স্থাপন কর—তোমার সেই অমৃতের প্রার্থনাটি তোমার মৃত্যুহীন মধুর

